



ル 5
3134
10



門 5
號 3134
卷 10

南潯志卷三十八

里人周慶雲纂

碑刻三

清

長生塔院記

順治五年董漢策撰石舊在南柵塔院今佚據張志載文

余自丁亥歲始好為瞿曇家學夏五與同人習梵唄於烏戍之古山寺有曳杖而過余者為漁庵禪師芒鞋雪髮形似壽藤即席無遜讓輒論止觀兼談參學不半晌曳杖去臨別顧謂董君云潯南有片席地在古長生寺傍為君家故物盍授老衲終老焉余唯唯師遂去不顧越兩載又有挾刺來晤者為此山禪師此山禪師者即吳門孝子周澹成寔漁庵之法嗣也時漁庵已

歿爲伸請寺傍地將瘞靈骨成先師之志余遂舉券授之此翁
旣爲其師建塔遂誅茅左側朝夕禮誦用酬法乳亦如向年廬
墓時呼天而醴泉發攀條而羣鳥哀也居有間余方鍵關潯湄
夜夢羣鬼千億計環余書屋吡號悲嘯不少休或斷骸折肱或
挈童戴白其強壯輒操戈鋌以來漸相逼余以所執玉如意擊
之鬼卽敗退伏地搏頰云我等所以來皆兵火之後絕命喪軀
者遺骸沈草莽無藏埋地願先生爲熟計之余試舉近壤某某
所羣鬼輒不熹爲舉長生塔院則粲然願往余卽呼令前去去
至院中方與此翁坐話緣起廡以外嘈嘈如沸禁之不可有侍
余側者緇袍角巾若世間典吏狀操簿書白事云若類眾多法
令難遏必分其州閭庶免蝸蟻矣余領之吏卽草禁約懸廡下

沸聲迺息覺而異之平明余卽走東此翁備言前夢遂捐貲倡
始勸募鳩工焉凡建塔二區直漁庵師塔之左右繞以長垣蔭
以封樹廣收遠近遺骸之無主者及居民之喪無葬地者分別
藏兩塔中工財無侵幽明以和嗟乎叔季以後掩骼埋胔之風
不可復見矣吳越固多火葬危橋廢址散漫鬻體抑且干戈相
尋枉亡載道青燐夜起衰草悲風何族何名莫窮端緒黎邱之
飛魄空啼凶厲之崇壇不祀於斯時也有一開士爲擇吉壤覆
藏而祝嘏之九原有知必其歡慶此疇昔之夜所以見夢於余
也耶則是役也以宏師仁以廣錫類皆此翁之志不可以不記
余故備書本末刻石塔傍使後來者觀覽焉

塔院捨券

順治五年立石九年續刻正書舊在塔院中今佚據潯錄載文

立捨券董帷儒向有本宅老貳房家人張安結欠本宅借本將鎮南長生寺旁箋四圩地二畝七分五釐平屋四間抵銀四十兩至順治戊子仲春臨濟天倪老和尚法嗣此山禪師懇施此地為天老和尚塔基并建普同塔本宅今將錢項地屋俱捨訖自他均利緇素咸安亦代為故僕作福也況此地故僕得之長生寺僧復歸空門元稱至便立此捨券存照

東至長生大樹 西至張家田地 南至張田董田 北至河

順治五年二月 日立 董帷儒

押名上有印章帷儒二字

信士董雲襄今有箋四圩田七分坐落長生塔院前願捨為放生池自後任憑開墾此照

東至長生樹 西至董田 南至張田 北至塔院

順治九年十一月 日捨 董雲襄

印見捨丁文在章施虎臣

三禪師骨塔題字 無年月正書在塔院中文已載祠墓

普同塔碣 無年月正書在塔院中文已載祠墓

張丹山潯錄塔院捨券碑在山門左旁天井牆內塔在韋馱法像東偏牆內地藏殿天井兩旁有塔亭兩座

重修雲興寺碑記 順治八年董漢策撰在北柵外雲興寺文已全泐據笠翁內篇載文

潯水北奔入具區猶建瓴也其北者觸岸東折俛行數十里而後循軌順流以達五湖嘗試憑高睇之見其奔也如怒其伏也如阻其流也如兔脫檻而鋌走焉當其阻有古刹匯之寺影蔽

溪流數里復見又試訪諸父兄曰此古雲興寺也宋元祐間創建至元末燬矣萬曆甲申宗伯公復捐資募眾信整飭舊規蓋六十餘年而後頽廢也夫寺自宋至今方五百餘年耳幾經興廢其間風雨之所剝蝕兵火之所焚爍寒煙秋蟲之所棲宿不知凡幾而潯水北奔如昨昔故曰物之麗者輒有遷流大抵然也辛卯秋印翁叔復起而更新之不一月軒甍如刷倏已改觀往來稱歎謂此不止爲宗伯公誌不朽且爲元祐諸公誌不朽也于是寺僧明心者昌言曰寺有興廢率苦無恒產使有田足以給行腳則眾信所捐捨以葺堂院不難遂發願結千人緣立產爲贍僧計請記于予予嘉其志謂元祐諸賢倘計及此則寺當至今存夫物之蠱者壞極有事則趣于太平又大抵然也自

今日以往倘有樂山水而遊如張志和棄仕宦而遊如范少伯藉吏隱而遊如杜樊川者放舟具區渺然無際而憑眺之暇藉寺憩息南望潯水憶我潯中人有能重新此寺如今日則且與吳山越水同其春秋豈興廢所得限哉是爲記

重建張王廟碑記順治十五年正書凡二石在南柵廣惠宮三清殿右壁據拓本載文

廣惠宮者起自北宋治平年在鎮則爲鄉約所奉道則爲張王廟或曰三清殿闕南渡至有明數百餘載其間葺輯概不勝記惟萬曆四十八年傾圮垂弊道士朱太和虔修告飾中堂平涵朱公感之樂輸與董氏釀錢遂爾復興嗣後思宗十年迅雷暴雨烈火風捲一時殆盡誠異事也而說者以爲外立王天君火官位尊內設張大帝水神體卑故各施明通水火

陟發然終屬無稽姑不具論特原思宗暨今二十餘載莫能復興住持沈允修腸日九迴與其徒隱瑜擊柳拖鍊誓必重建癸巳肇業丙申豎柱較之太和殆無以過于是士大夫及商賈咸憫其誠而樂為助究以兵荒財盡戊戌尙未獲雋乃銓部 蘊公沈公者以宏慈普濟之德蠲蒼生于丁選一時權畧之惠佐萬年之香火牆垣殿宇率爾告就蒙其庇者甯止家祀戶頌已耶卽

三清若有藉云詩曰靡不有初鮮克有終諺云行百里者半于九十皆言末路之難也然則允修不遇銓部繕其後雖如太和之值中堂創其始亦無益耳故廣惠之成當以銓部為第一云

武林流寓道人張初龍潛閻氏撰此上第一石

護法 金之俊 董印科 沈焯 朱岫 唐頌

唐彥暉 莊允城 朱錫如 張中慮 張初龍

董靈預 董麟科 董衡 錢威 董渠成

董崢 董嶸 莊允堡

本鎮油坊典舖鹽木各行與諸善信名留梁木不及細載

領願 紀振源 楊心海 龐仲卿 姚懷宇 紀仁甫

于培之 陸允源 金湛文 張德甫 王楚三

蔣白雲 李建宇 沈成章 鈕孟爽 徐念卿 丁季源

錢雲岐 聞楚雲 滕憶梅 顧孟甫 李慕橋

袁振寰 蔣文生 陸澄源 金仰山 潘仁樓

金諫卿 毛瑞甫 沈駕甫 曹思竹 崔順甫

勸緣 朱文明 陸君祝 蔣冲宇 沈友梅 呂秀竹

盛敬橋 毛悅樓 陸瀛洲 方振宇 朱舜章

陸含章 鈕又文 袁耀甫 沈稚卿 姚錫卿

沈清宇 計友溪 倪愛溪 陸君宇 張蘭石 潘敬湖

張順溪 王奉吾 陸心宇 韓君茂

保副 貝仁宇 錢蘊先 金西潯 沈冲源 王周生

沈敬河 嚴體田 沈師啟 胡奉溪 張敬溪

張奉臺 鈕振山 李爾朴 李元貞 毛欽甫

朱思源 錢思山 凌采臣 沈仁甫

順治戊戌歲元月 吉日本宮 首道 紀錫元 沈允修 等立

若隱道人屠士杰書

旌邑梓人湯 元甫 鑄 此上第 達甫 二石

按題名中朱岫即朱佑明董麟科即董漢策

重修通利橋碑記 年月未詳董漢策撰正書在南柵通利橋東 堍華家街口額通利橋碑記五字平列文已

全泐據笠翁內篇載文

潯之南宋元時為安吉州路設縣曰鄣至今衢砌井發往往見于嘉應廟側有橋當其衝曰通利鄉人指為華家橋云自宋元迄今千有餘歲中更興廢而里中長老乃重葺之或請記于予予曰嗟乎立乎今世以指宋元潯水湯湯固如昨昔矣其間城郭樓櫓雲夢鵲梅盛如連霞散如晨霧不知幾何也抑毋論是即斯橋之左右古刹如南林長生者紺殿巨十餘里縱廣約百畝澹梵相貝書宏鐘寶鐸麗若繪繡今且聲兆杳鬱沈為荒原

行行周道顧瞻太息賴二三耆宿拮据之餘僅存遺址而蟲蝕秦經苔侵蕭榻一俯一仰感懷繼之則斯橋尙存幸也雖然凡利物者壽自利者夭當日潯以內外金馬畫舸傳呼火城中得勢則驕失勢則妒惟私利是圖故兵燹威稜爲之浣濯獨斯橋也于朝涉則鄭車于焚脩則葦渡于避地則桃葉于行遊則烟艇不自言利人咸利之故歷數代而至今猶存且更新如昨昔矣今潯中萬家烟火往來目爲小都會乃至自燕秦而南者謂千里無與匹偶余願里中諸父兄學橋之鄭車爲卹寒學橋之葦渡爲指迷學其桃葉也烟艇也爲知幾與高蹈則將以橋之壽壽諸父兄又嘗考之載記當時有華府君者能行仁義凡里中利物之爲莫不爲則斯橋名屬華氏殆其人歟又不知府君

曾仕歟否歟仕則介宋元之間干戈方熾利物最難而不仕更難今去府君世遠矣其指畫幹辦焦心勞思不可得見而橋至今存暨佐助府君者贊歎肩勞瘡塗襪刷不可得見而橋至今存其怨詈府君者擲揄摑唾瞠睨笑罵不可得見而橋至今存嗟乎斯橋尙存幸也子小子敢不以貞珉壽之使千百年後頌諸父兄功與通利橋俱不朽

〔沈登瀛南潯備志〕據史志湖州南宋改安吉州元爲湖州路今日宋元時爲安吉州路甚不分晰又自秦設縣以來吾潯惟晉宋齊梁陳屬東遷前後皆屬烏程今日設縣曰鄞此野老之荒談也至云宋元迄今千有餘歲則幾爲桃花源人矣華府君名文勝爲江州參軍故報國寺布施記稱華七府幹

則固嘗出仕矣咸淳六年嘉應廟牒有父老華元實卽文勝之子是時文勝已卒宋猶未亡亦非介宋元間人也

禁革舉報堡長告示

康熙九年正書在西柵祇園寺文不錄

萬善庵碑記

康熙二十八年董漢策撰石舊在北柵萬善庵今佚據張志載文

潯北萬善庵始于明季啟禎年間有東明永遠兩比邱尼皈依弁峰瑞白禪師已久篤信向上募潯北隙地于旌節先慈顧孺人遂建紺殿稍葺厨漏辛卯壬辰之交延陽山崧濟師住持二載未底厥績歲在癸巳潯鎮善信咸稱嘉禾保壽院常一大師道行高妙於是金表孀嚴太夫人同先慈暨皇甫母周孺人具質信請師住萬善方丈師係普明二巖和尚法嗣寔臨濟宗二十九世幻也和尙之法孫也當是時先慈與嚴太夫人係中

表妯娌皆信乾竺稱同志恒有事于靜修朝夕清齋若雁行焉以故善功無不舉舉必有成如萬善延請高禪其一端也人謂大師禪宗傑出必以拈頰棒喝爲事而師殊不然專脩淨土其儀軌略似雲棲而仍重參學以故遠近翕然歸之不數年堂宇宏敞金像煥赫復闢庵右菴圃於是香積寮廊咸備經今三十七年矣潯之人若不知有大師住萬善方丈者亦無募冊乞請在鄰近者師殆所謂禪淨雙脩堅持密行者歟夫禪與淨固兩無礙且兩相益也今試拈一句稱名而直窮落處則知識絕思維斷忽爾漆桶底脫得大休歇然後水盡山窮坐看雲起彼落日金繩寶林珠閣風聲鳥語如影響現則成就慧身不由他悟是爲萬善具足較諸莽蕩撥無者相去不霄淵哉以故出大師

門下者遵守斯旨如首座持眞永寧等十餘人皆成令器今師年七十餘以書抵余請爲記余追維先慈捨地敦請之遺志今幸有成不可不傳述也於是乎書

重修東藏禪寺碑記

康熙三十年正書在東藏寺毘羅殿庭左側據拓本載文

粵自碧瞳飛錫江東肇起於赤烏珠字傳經雒下宏基於白馬辟支佛現綠玉成臺舍利城標絳雲覆院當永明宣化之日正武肅射潮之秋由是於越仁祠鷺在山而若舞勾吳精舍猿就洞以如歸寺所由來爰云舊矣潯水東偏有東藏禪寺者地當江浙之交山集魚龍之座固茗水南來第一名藍也有明神宗時先大宗伯金門納履爲投老之皋夔蓮社揮犀乃閒情之蘇白適遇雲棲大師靈雨沾花比雁宕之智者慧雲燭日繼鑪峯

之遠公始乍識夫鈴音便聲聞之契合既一通乎玉札遂心地之皈依水乳交融鍼磁互入侍中別院盡付光明都講家珍悉歸崇化更有華亭秩宗儒林祭酒方讀書於中祕已證眞詮雖翔步於木天心參密諦林間支許咸聆屑玉之清言方外雷陳洵號斷金之元契大檀越現宰官身而護筏豈見僧疵善知識依菩薩戒以建幢能調物性金闕獨揚宗教賜紫伽黎璇宮請設師容演青蓮果紅樓鬱起俱盡地以布金紺塔高凌復從空而砌玉手植庭前榭樹枝似青銅風來閣上鯨鐘聲侔元鐵洎乎尚書折簡特叩微言大士飛牋親宣奧旨現三身而闕世侶乎世有去來設七處以徵心實則心無生死遂使無知木石亦證虛靈甚而障法波旬皆爲外護杳靄鴿王之舍功雖欠於合

尖玲瓏鶯子之軒德已幾乎配昊覽千年之海水方觀一清延
 百禩之眞風已更三葉心嘗薄乎吐鳳夢每愜乎懷蛟何人敢
 檄北山有願棲眞西土於戊辰清和之月際康熙廿七之年策
 敬踵前徽聿開新範因考蓮祖於五世特延具空之法師爰諷
 貝葉於三年實建大悲之懺法矢志霞衣塔護智慧重輝齋心
 寶樹燈然沉迷立救主東林之繼席又覩花開必鉢之枝新遠
 祖之華幢重聞鳥轉菴羅之樹將見三千蠹子悉曉聽經五百
 魚兒咸能悅性則百旬止觀甯爲有漏之因千夜槌空便結無
 生之果於是錢諸紫篆勒彼青珉狻猊蹲無量之碑使繡幡於
 薊薑曩屬架頭陀之碣看織絢於吳蠶

里人董漢策撰文

董穀士書丹

同里殷 阜題額

康熙二十年歲次辛未四月八日建

此下有里人及沙門題名本寺田地畝數檀越助資

眾姓並不錄

放生河題字

無年月正書在東藏寺山門旁

極樂庵西偏留嬰堂碑記

年月未詳董漢策撰石在極樂庵文已全泐據董志載文

王道無私靡不覆載天喬蛸蠓尙涵煦之何況嬰孩之甫離母
 懷亟須保抱哉昔

世祖章皇帝誕敷親仁既已恩浹四海嘗

諭侍臣申禁溺女於是京畿之樂善者建育嬰堂分命阿保專
 以收養棄孩爲務於中每月放生兼惜字紙月之八日士大夫

畢集覩斯勝舉者輒隨量喜捨福利日崇愚曾躬與良會慨然
 思古之仁覆天下者幼孤長扶禁榷畜鯤鯨太和在宇宙間
 上動飛鳥下亂沈登瀛按疑躍字淵魚如其廣大也諸省直皆遵行
 已久吾潯彈丸地耳既不能附省郡行大利益又不能獨狃寬
 廣屋舍以容乳嫗良足太息幸里中善信十餘友與沈子匡夏
 捐資建三楹于極樂庵之西偏以集同志倣吳門現行條例廣
 收棄孩載送吳門之育嬰堂費省而功宏其利溥矣愚於是願
 請益焉一曰廣募助凡建善功必集羣力若使先期募資儲以
 有待則任事者無匱乏之虞為善必力矣一曰廣勸脩善政豈
 止育嬰凡民之疾痛無告者婚喪莫辦者患難莫救者二三同
 志月中會集茗接清談挑剔善事設勝沈登瀛按疑法字方便次第行

之則仁施洋溢庸詎知非王道之一助哉孔子曰吾觀於鄉而

知王道之易易也願與同人共勉焉是為記按文中亂字勝字並不誤沈氏備志

所校非也

積善庵刻石

康熙四十一年正書舊在積善庵今在積沙寺殿後庭左壁據拓本載文

江南徽州府休寧縣信士弟子黃祥喜助街沿一帶崇祈早生
 長命之子諸謀遂意闔家迪吉福有攸歸

康熙四十一年孟冬月立

重修祇園寺碑

康熙五十三年正書在祇園寺據拓本載文

潯溪之祇園寺勅建于蕭梁闕乎一鎮風水而潯亦漸成一大
 聚會歷唐宋元明圯而復興凡當道入境蒞任者例於斯接摺
 紳耆老訪土俗民風寺固必不可傾圯者也順治初分兵于潯

越五年而移寓祇園戎馬蹂躪僧眾散盡荒穢不堪歷有歲年有東隱和尚過此矢願修葺賴寺隣隋雲卿勸分三載而不得興工屢呼將伯于□□□□守又適地方有修塘建橋之役徘徊久之然東隱之誠不可□□□一旃檀會得友二十人各先輸三金爲首隨眾勸募不踰年而堂殿告成椽桷改觀予固與會友悉心經理是藉諸善信樂輸之力也工既竣恐善信姓氏湮沒爰命工勒石以垂不朽并工料附焉夫東隱之始而不得興工也眾咸以緇流與僧徒雜處無別或指舊務可安伍或置附近口遷營□□□□捨而卒無成功豈其間亦有或使之或尼之者耶則夫遷徙營房爲□園第一善事予固以暮年重聽有志未逮端有望于將來之大護法者

共收銀三百三十二兩三錢一分零其用過銀三百四十

一二兩四錢七分零開列如左

此後有捐施善信題名銀數及工料價目並不錄

大清康熙五十三年歲次甲午八月 日里人丁有源捐貲刻

識

按碑以寺爲蕭梁勅建較貞觀勅建之說尤妄

廣惠宮碑記

康熙六十年行書在廣惠宮未拓據潯錄載文

靜涵道師持法於潯南廣惠宮一日者錄其歷來碑志哀次成帙屬予曰此先師墜言願有記也按宋治平間建靈濟張王廟卽祠山大帝行宮中爲三清殿後爲東嶽殿此廣惠宮之緣起也由南渡以迄元明壞成不一萬歷四十八年起其廢于灌莽中蔚爲寶坊者住持朱太和締構之朱董兩巨家仗助之此廣

惠宮之中興也崇禎十年暴風迅雷一燬而盡附會其說者謂雷部與水部雨火激射亦荒誕而不經遷延至

本朝順治十五年方得重建頓復舊觀謀始則住持之沈允修落成則里紳沈銓部此廣惠宮之再興也殿東北隅創爲彌羅寶閣廣袤五丈有奇高三丈有四尺上奉昊天至尊中供圓明斗姥勢繚迴帶寶相莊嚴縹緲飛霞彤髣朗則住持沈允修與靜涵師募不辭勞徵君董帷儒暨諸善信樂輸廣勸厥功偉焉此廣惠宮之大成也予不禁喟然歎曰凡事之興廢豈不以人哉彼王侯第宅千門萬戶無幾何時而高臺傾曲池平矣方外羽流守此十笏地卒能故者復新隘者漸廓發宏誓願積黍成邱人之所關良非淺鮮昌黎有云莫爲之前雖美勿彰莫爲

之後雖盛勿傳其靜涵師徒之謂歟雖然有天意存焉不可謂非神之靈也嘗攷稗史載祠山遺事云帝姓張名棟生而神奇將引茗雪二溪之水通至廣德身變豬龍掀泥掉石被家人窺見遂不果後成祠山之神夫六十里之水路未通帝之所遺憾也江鄉山谷香火繁盛潯溪一鎮祀事繇長何莫非帝之所式憑也又況亦臨亦保斗閣崇隆天人感召之徵在呼吸間乎予故爲述其源流而系以銘銘曰碧潯滌洄毓地靈街市合沓闐闐盈祠山廟貌垂千齡彌羅寶閣新崢嶸琅函紫笈金光騰鳳幡月駕凌蒼溟赤玉龍書呵百神周元初後傳雲初天樞掌奏廣惠尊宮名恰合如師承元宗法派由青城紺琳永護人天驚翠巘有石潤且貞磨礪鉤畫鐫斯銘

康熙六十年歲次辛丑文選司郎中清溪談九乾撰知德清縣事錫山徐珽書廣惠宮住持周道昱勒石

按石嵌府城隍殿左壁為侍從塑像所隔未能椎拓

禁除錮弊告示

康熙六十年正書在祇園寺額題奉憲飭禁脚夫分坊勒索碑十一字文不錄

沈節婦墓誌銘

康熙某年據鈔本載文

潘耒撰文

嗚呼食人之祿有死無二者謂之忠臣處人之室有死無二者謂之節婦若人者未嘗知其主之必危夫之必殆也與同安樂中更變故不渝其守人猶難之若夫見其已危已殆而捐軀事之履險蹈艱鞠躬盡瘁豈不尤難而尤艱哉節婦烏程溫氏貢士樸之女歸同邑沈文然溫沈皆茗中望族文然祖演為大司

寇父及兩兄皆舉于鄉許婚時方鼎盛已而金陵有大獄詞連伯兄論死籍其家文然以出嗣免猶坐仲兄科場事與叔兄偕徙塞外方獄急時有言婚可解者溫女聞之慟哭求死父母乃曰世固有甫婚而夫遽亡者婿長流與死等此女命也復何怨但沈氏不可無後當及其未行而嫁之遂請於官出獄就婚仍時時就繫如是三年乃行於是舉一女一子臨行時子猶未出腹也二親尙未葬節婦曰此大事夫去孰為主者不謀族黨剋日襄事令文然視復土而行既行家難尙未息有奸民王式者以沈氏籍產不盡訴於官徧歷監司督撫以至部寺所株連百餘人涉訟八九年迨親王廷鞫始抵式罪而沈氏田宅尺寸無留者溫之資裝亦盡中間文移駁詰吏胥誅求干名萬狀親屬

或坐視或陰下石節婦旣備嘗慘苦而能審機應變不挫不擾故家破而猶能立孤其明哲有丈夫所不逮者文然至徙所僅二年而歿萬里負骨歸節婦瀝血驗之乃葬文然生母與嗣母並在堂節婦事之曲盡孝謹生母病瘵節婦扶持卧起三十年如一日文然之叔兄先聘於徐難作請婚不卽行瀕行乃成婚竟無子節婦與徐同室而居如親姊妹叔兄遺言以家產盡與弟之子節婦不聽卒爲立嗣其臨財能讓如此治家一用勤儉年荒屑豆爲糜自食而奉舅姑及膳塾師如平時教子女有法度慈而能嚴婚嫁旣畢節婦力竭心枯發病以卒卒於康熙丙子七月望距其生順治乙酉十二月九日年僅五十有二子琬娶吳氏繼娶凌氏女嫁温祇愿嗟乎當沈氏禍烈時使温氏稍

稍觀望則文然不得婚若敖之鬼且餒何有門戶節婦矢死靡他延宗祀於一綫茹荼嚙蘖備歷人世之艱辛卒使沈氏亡而復存碎而復完與尋常秉義守貞者難易何啻倍蓰而其父母兄弟咸共成就之牽連破家終已不悔豈不亦賢哉温之先有陸太孺人以節孝聞有家訓行世其子寶忠先生官新安明亡闔門殉難今節婦殆聞陸母之風而興起者歟而世之爲寶忠者何寥寥也琬將以某年月日合葬節婦於其考之兆以狀來請銘銘曰夫亡守貞婦道之常遭罹奇厄不亡而亡子猶在腹夫乃投荒生分死別地遠天長況家多難如沸如羹葑菲辛螫矢集於牆藐茲弱質懷冰履霜不競不綵維義之將如操尺施涉海汪洋如持寸針紉百裂裳精誠所感天日迴光漸出坎窞

以登康莊備舉喪葬孝養高堂撫孤有立貽謀允臧功存宗祀
德行蒸嘗展矣禮宗俾也可忘宜旌於國宜表於鄉刻銘幽宮
萬世之藏

義塚碑

年月無攷在棘里義塚地文已全泐

一線泉題字

無年月正書在西柵祇園寺後

姚允修生壙志

無年月在南柵萬古橋西額正書太學姚允修先生生壙志五行行二字志文未刻

重修嘉應廟碑記

雍正三年夏光遠撰石舊在嘉應廟今佚據董志載文

考之祀典凡有功于民社者則祀之故村鎮之有土地猶郡邑
之有城隍也雖在窮鄉僻壤一隅之地方井之中必奉一神焉
以爲福國佑民之主況于日中爲市烟火萬家較于郡則不足
較于邑則有餘者乎崔李二神嘗捍禦巨寇出金錢粟米以活

潯人一時之饑饉者得以蘇困故其歿也建祠以祀之錫其廟
曰嘉應尊其號曰明王吾潯之民社于是乎寄所謂土地者寔
昉于此自宋以後其廟之圯而復葺者碑碣無存莫可深考前
嘉靖壬辰予六世祖朝端公捐貲闢地合鄉之紳士而力新之
讀其所刻石猶可想見其規模焉數百年來風雨剝落金粉零
星雖香火依然禱祀如故而廟貌之不堪已甚夫民社之所存
而神不得妥閭閻之責也祖宗之所舉而後不加修子孫之過
也余嘗履其地而歛歔者久之謂得有人焉起而任募建之勞
以冀重新之日斯亦幸矣歲癸丑僧人三默來主是祠慨然以
修祠爲請予因手冊而興歎曰嗚呼其崔李二神之靈之默有
以相之也乃如是乎潯之人無不以二神爲庇當無不以二神

爲心者予因知斯役之有成也經營伊始吾鄉之相勸樂輸者莫不歡欣鼓舞如給惟正之供不二年間向之所謂風雨剝落者今則堅牢而固緻矣向之所謂金粉零星者今則軒翔而華彩矣其峙于左者則有藥王殿其輔于右者則有五路祠洵哉爲一方之保障乎落成之日將以紳士商民所捐助者勒其名于石垂諸不朽因請予爲記予不獲辭爲敘其畧如是後有來者庶知民社之功不可沒而予所志焉未逮者寔藉諸君子之有以助我云雍正三年夏四月記

飭定牙稅統征分解告示

雍正十年正書在廣惠宮戲臺下文不錄

周道昱贈言刻石

雍正十一年舊在廣惠宮今佚據張丹山潯溪棹歌注載文

禱雨贈言

江都唐紹祖

周子靜涵生本儒流去爲羽客形骸成削寒流石上之松狀貌清奇秋月池邊之鶴闡揚眾妙宗五千道德之言驅策羣神服十二靈飛之事惟是誓心以濟世故不晦跡以沽名凡遇癘疫災荒厭禳祈禱如明鏡出匣展卽形呈似洪鐘在懸叩而響答而且出其餘緒著爲篇章麗句清辭坐曹唐于北面偷聲減字立張羽于下風此則翰苑爭推文場交譽者矣茲者吳興之地亢旱爲災職忝承流心懷憂惕爰延絳節用告蒼穹登壇而玉女披衣奏籙而金鳥掩彩風聲入樹預聞管輅之占雨點隨車立應樂巴之嘖可不謂盡脩眞之能事得持斗之祕術也哉於其歸也句以贈之

仙根不信自蓬瀛請看形神比鶴清曾向崆峒傳道訣共知句

曲有詞名魚龍白晝聞琴舞雷雨青天聽令行會見方瞳徵壽
相何須人報束長生

昱 本山人團瓢守拙歲癸丑六月湖屬苦旱郡侯唐公暨各
當事爲民禱雨召昱登壇實惟眾籲之誠致沐甘霖之沛謬
蒙獎賚愈切慚惶謹勒感思以志不朽時 雍正癸丑九月
廣惠宮道人周循昱恭紀

贈靜涵周鍊師

樵李王泓

汝南周子神仙客九天謫下靈秀窟家住潯川廣惠宮身通太
乙陰符術狀貌清奇迥不凡秋水精神野鶴骨羽禱星冠嚴束
裝琅函玉笈勤披閱有時驅神遣六丁妖魔魑魅潛逃匿從教
口內喫成蜂還向雲端梯取月家法立初一脈傳況復顧仙狡

猶極生平習靜大名垂鎮日補閒新句得儷青鬪白更填詞不
數柳歐香艷墨往返清溪酬唱多流響遙分茗雪側茗雪今年
患旱魃三伏炎蒸火旂赤山原高隴苗欲枯車戽良農力旣竭
賴有同城賢使君蒿目焦思倍切切憑空高築斗罡壇延請仙
眞祈雨澤升壇旋施靈籙祕風印羽符持斗訣羽步蹁躑用告
虔天曹次第勤供職須臾膚寸起層雲黯黯濃陰幕六合驚人
阿香鼓數聲過眼金蛇光一抹便覺甘澍早沛然點滴飛揚到
車轍感君綠章得奏功令我羽扇多生色今君辭歸洞府去長
伴烟霞并泉石應知眞素善韜藏更羨詩文足怡悅古人贈處
恒以言我詩贈君兼惜別他時挂冠容訪君長生願乞丹砂粒
重建通利橋碑乾隆四年正書在華家橋東堍未拓據鈔本載文

竊聞善事必勒碑以誌者示不忘也曷示乎不忘一以著前賢之能創一以鼓後哲之能興凡事且然而橋梁尤甚如吾里之通利橋考厥遺碑元副帥許公明成化間重脩名曰通利蓋取大易利有攸往之義迄于今已二百七十餘年歲久傾圯行者趑趄己未秋吉日起工八月吉日告竣皆同里中諸君好善捐資同心協力以故易而成成而速也非敢誇張竊效前人鐫名于石以示不忘云爾

此下善姓題名不錄

乾隆四年歲次己未九月

穀旦立

北迴橋碑記

乾隆九年石在雲興寺文已全泐據潯錄載文

距南潯鎮之北三里有橋曰北迴蓋以河流太激築此以束其勢使之迂迴而不迫故名其創自何人與始建歲月俱無攷或云蓋明嘉靖間董宗伯份實創建之乾隆二年冬橋圯圮五六年未克修步者不便而水奔衝直下舟行者怯焉蓋南潯之鎮市井闐閤人民之富蕃百貨旁午號稱都會而北柵爲最於是其紳士吳君繼成張君文光元榮董君某等輒慨然各捐己資以爲士民先又承士民之好義者俾各視力厚薄以爲之助橋成高二丈八尺長九丈六尺用銀七百兩有奇以乾隆八年之二月始作而以明年之八月告成由是不病涉水不病衝凡南北往來之人無遠近胥蒙其利焉蓋古者道路橋梁皆各置官以專司其事故九月除道十月成梁如春耕秋斂歲有定規至期則趨事赴功天下盡然是以道無不可行而川無不梁也其後先王之教旣廢一切皆寢弛不治世之人安常習故取便

目前又或以爲眾人公共之事而焉用一己之汲汲爲也噫彼浮屠廟院之興廢更復何與人事而崇奉其教者輒爲之經營措置雖重勞且費不惜焉如移彼之所以勞且費者而用之於此則人無不可濟物無不可利矣彼之空孰若此之實舍其實而求之空其亦不思也歟然則如數君者其識爲不可及矣先是徐君行達方謀修復未及興工以卒其子祖彬欲有以繼父志而未果屬張吳諸君捐資率先並悉力以爲之贊襄而其橋以成嗟乎人患不爲耳爲之豈有不可成者彼挾其雄貲厚力坐觀成敗而漠然不一動於其中者是誠何心哉是誠何心哉於其成也書其爲之年月與其名氏以示後之人使得有考焉乾隆甲子荼月歸安具茨山人茅星來謹撰

按今雲興寺庭中橫卧二碑皆漫漶無一字其一當爲雲興寺碑其一當卽此記寺僧云尙有一碑已砌入佛座下不知何碑也

重建沐鳳橋碑記

乾隆十一年正書在西柵沐鳳橋未拓據鈔本載文

潯西沐鳳橋在垂虹橋之西南距鳳凰池不數武昔人以池名橋誌古蹟也與垂虹均創自漢代歷唐宋而至 本朝建脩不一載在邑乘由來舊矣垂虹跨荻塘之正流沐鳳疏茗溪之支派人民絡繹負販驅馳寔百物之通衢爲四民之要道也橋內向因淤塞去春里中好義者捐資開濬舟楫稱便焉顧橋圍石敲仄往來者咸有戒心僉議重建因鳩工伐石撤而新之址仍其舊工堅于初其規制亦較舊加宏壯工旣竣復以餘資補葺

垂虹尾塊兩橋圯然行旅相慶經始于乙丑年季冬落成于丙寅年仲夏凡茲工費均出善信樂施爰勒石以誌其姓氏而捐資濬河者亦得附載于後以並垂不朽云爾

此下捐資姓名不錄

此碑寄砌于周宅牆垣西面立碑工料併吃用一兩四錢碑已刻就外加碑銀一兩酒資一錢鐫碑供繕五錢所餘舊石數段補修鳴鳳橋東首官路訖造橋工料出入里人紀宿華屠聲聞互相經手并同里眾公屈大士庵省幻師叩榔月餘鹿門紀再思宿華甫書

乾隆十一年歲次丙寅伍月

按碑謂垂虹沐風二橋創于漢代荒渺無據

重建隨糧王廟碑乾隆十一年正書在東柵總管堂據拓本載

書云丹牖意取維新雅咏竹苞志存繇遠潯東

勅封隨糧王廟上既護國下復庇民辛酉歲眾慮年遠就傾遂因募資重建未能壯麗聊異茅茨顧目前雖免飄搖而他日當為久計殿後僅有薄田貳畝門旁祇餘店屋兩間租息無幾正供難繼于焉共襄小會相與各捐一金生息則慎擇輪流 神誕必應期恭祝凡我同志務期矢慎矢公願彼後賢尤當有終有始計除實用謹錄存餘間有工脩稍資補湊並非利其利不過公濟公庶神光永照慶 聖壽于無疆俊氣長瑩幸宮牆之鞏固同人姓字序勒于茲

此下題名不錄

龍飛乾隆十一年歲次丙寅桂月

穀旦立

立願經始董啟偉 勸成沈啟麟

華萬九撰 金載陽書 王西溱刊

署通判吳繼元去思碑

乾隆十三年正書在通判署大堂庭側未拓據鈔本載文

署浙湖鹽漕水利南潯督捕總巡分府吳大老爺去思碑

公諱繼元字季亭江南通州如皋縣籍乾隆辛酉科舉人於乾

隆十二年十月到任於十三年七月初一日卸事在任教民愛

人治行卓然卸事之日矜民攀援莫逮追思公德敬立此碑

大清乾隆十三年七月 日穀日潯鎮紳矜士民 陸可成

溫文煜 陳成 吳繼成 陸紹儒 張世杰 陳昭

金渭 張元燦 紀復亨 徐祖彬 馮學深 邢廷金

紀廷輝 倪廷林 計士枚 莊學川 董小坡 張維垣

董口 金樸 陸濂 吳巖 凌錦 丁麟 蔣大潮

徐德元 敬立

沈宗騫書洛神賦刻石

乾隆三十二年正書石藏東柵朱應垣家文不錄

澹慮堂墨刻

乾隆三十六年汪鳴珂摹刻凡九十餘石藏東柵麗元濟家

呂新吾先生身家盛衰循環圖

乾隆三十九年葑溪吟香堂沈嗣昌刻凡二十行行二十一字

藏張氏適園文不錄

呂新吾先生生理欲生長極至圖

刊人年月全上石藏張氏適園文不錄

東藏寺造像磚刻

乾隆四十七年正書在東藏寺大悲殿右壁據拓本載文

本鎮護法張潤之敬裝 大士金相一尊并助 龍庭萬年寶

座方磚一堂

乾隆四十七年六月 敬立

眞武井題字

乾隆五十八年正書在善寂庵文已見河渠

墨妙樓法帖四卷 嘉慶初年輯里温純刻

重建通津橋記 嘉慶二年正書在通判署頭門外左壁據拓本載文

中南潯而跨運河者有通津橋焉癸丑年余莅任茲土橋漸圯行者苦之且運河轉漕者也余職司水利償糧艘通津梁與有責焉初下車顧斯橋而有志新之憚輕舉今年春公庭事簡屬紳士耆民而詢之皆曰可願為勸捐一時捐者恐後多寡有差不踰旬而數具乃召工而度之高二丈七尺六寸視舊增三尺廣四丈八尺環延八丈俱如故趾故有四礮復釐而正之估料二千兩估工六千工權造浮橋木價五十兩疊運山石舟價七十兩巡視工作食費一百六十兩限以程期三月而竣余始恐橋之艱於重建也賴紳士耆民勇躍勸捐而好善樂施者又爭

先恐後遂使艱者亦易凡橋之宜重建者視此焉可矣余何幸而得遂此志於潯之士民耶秋九月會余將入
觀爰舉紳耆姓氏暨好善樂施之人畧勒之於石余不敢攘善也余惟計工料程度而一一誌之俾後此興工作者有所攷核云

湖州府通判陞任台州府同知時敏撰并書

- | | | | | |
|-----|-----|-----|-----|-----|
| 董事 | 邢鴻 | 吳作謀 | 丁鳴鈞 | 金大鯤 |
| 毛燠 | 倪鶴鳴 | 郭楠 | 龐灝 | |
| 華行時 | 韓峻 | 孫秉宗 | 邱文岳 | |
| 陸大椿 | 諸魯全 | 吳若昂 | 温國標 | |
| 歸大鸞 | 桂士臨 | 吳耀德 | 蔣大治 | |
| 盛士松 | 張應元 | 温宸 | | |

嘉慶三年九月

按碑題時敏撰并書實則里人邢典撰邢鴻書

再申例禁告示 嘉慶五年正書在通判署頭門外右壁額篆書奉各憲嚴禁輕課醬貨不得越賣重地碑記十七字文不錄

嚴禁阻葬告示 嘉慶七年正書在師善堂內額題奉憲嚴禁阻葬索擾碑記十字文不錄

禁阻葬火化告示 嘉慶九年正書在師善堂內額題奉憲永禁四字文不錄

紫藤花館帖四卷 嘉慶十六年秋吳江徐氏刻凡三十一石曾藏周昌富家今歸劉氏小蓮莊

周昌富跋王申春余遊吳門道經黎里偶於骨董家得觀紫藤花館石刻為山民徐先生舊藏皆一時名公鉅卿與夫翰墨名家者余展玩數四不忍釋因出重價購之時余以樸華仙館之側構一亭亭旁先有古藤數本即顏其亭曰友石并為之記人知物必聚於所好而不知未聚之先造物已不啻早為位置後之覽者亦當為斯石慶得所焉同治十一年夏

六月南林芸齋周昌富跋 凡八行字數不等

劉錦藻跋右徐山民待詔紫藤花館帖四卷乾嘉之際大儒輩起譔述之盛卓越古今其以詞章名者亦無慮數十百家文采風流傾動一世下至販夫走卒婦人女子咸以附名風雅為榮何其盛歟待詔天才亮特又生際其時所與交遊類皆文章鉅公主持風氣觀所甄錄猶可想見東南壇坫之盛焉錦藻所居去黎里六十里其距待詔之歿不及百年而流風遺韻人罕能道之者至於紹述樸學祖尚風雅氣求聲應寂無聞焉反覆茲刻不能無盛衰之感也昔仁和龔定盦禮部敘江左小辨謂有明嘉靖萬歷之世江左承平風氣淵雅其故家巨族譜系多聞人或剖一書或刻一帖其小小異同

小小源流動成掌故使拮据倥偬朝野騷然之世聞其逸事而慕之攬其片楮而芳香悱惻以為非俗士耳食者所知於戲觀於此帖其言豈不信哉石為周文芸齋所藏既乃舉以畀余因嵌置家祠傍舍壁間而題其後光緒二十一年乙未夏六月下澣烏程劉錦藻凡二十四行行字數不等

陳母林孺人家傳

嘉慶十七年武進趙懷玉撰同邑汪恭書文三十行十六字石藏張氏適園文不錄

繼述堂記

嘉慶二十年武進趙懷玉撰文二十六行十六字石藏張氏適園文不錄

憚南田王石谷墨跡刻石

嘉慶二十三年汪恭刻凡二石藏張氏適園文不錄

永禁私宰耕牛告示

嘉慶二十三年正書在祇園寺文不錄

南田墨跡五種刻石

嘉慶二十四年汪恭刻凡二石石藏張氏適園文不錄

東坡居士墨竹刻石

凡二石宋蘇軾作元趙孟堅虞集鮮于樞清憚壽平等跋道光元年武進汪恭跋并

刻石石藏張氏適園文不錄

錢濬壽詩刻石

無年月石藏南柵錢樹森家文不錄

按首題延年益壽四篆字潘奕雋書高對詩八分書吳之劍詞王以銜閔偉詩並正書錢臻詩行書濬字升九號怡齋監生五品職銜時在道光壬午年七十

汪尚仁墓誌銘

道光六年蔡之定撰趙柄正書并篆蓋凡四石在拜三圩汪氏祠堂文不錄

汪曰楨按先大父字惇夫號靜圃貢生候選主事居府城卒于嘉慶庚申葬城西郎村蒲衣山至道光丙戌先大母

合葬始撰誌銘為刻工遲誤未及納入壙中石置墳莊後

移置祠堂

范志碑碣附列墓誌大半墓不在潯其在潯者僅據譜牒及文集所載而石多無攷今凡墓誌

未出土者並不載惟此誌未入壙而石在潯仍載之又舊志有朱國禎修東塘記碑不在潯曹大斌漏澤園記誤以

版爲石刻今皆別載附辨于此○慶雲爲廣其例凡墓志雖未出土而納入壙時先有拓本流傳亦可據以載入

重脩南漳鎮東藏禪寺記

道光十年正書凡二石在東藏寺據拓本載文

環鎮五六里竈烟數萬家其中香林梵刹不下四五十區求其規模宏遠讚唄精嚴率以東藏禪寺爲稱首寺不知所昉在烏程縣東七十二里相傳明嘉靖間里大家董氏爲之綜覈賴以不替殿前楸珠一本猶蓮池手植自文字散亡碑碣漸滅莫能是正也

國朝康熙中眾紳士敦善樂誠興作之餘兼行施櫜則吾先伯祖悔脩先生實司厥舉至今佛座勒名可攷余年十五六時值薪公自遠卓錫暨徒禹公戮力支梧俾毘盧閣暨大殿觀音殿燬而更新尙憶歲首瞻禮薪公必設果餌雪頂龐麋儼然尊宿

其後遞相遵守不增不減僅遺香鐙田五畝二分達公之師東公續置田四畝六分充淨供而已洎乎嘉慶改元今竹峰達公拂衣雙樹仔肩大法禹公僧臘旣高西首之際嘗詔之曰薪禪師一生功德而貞珉不曜此未了之業爾其誌之則應曰唯旣而達公

此上第一石

戒行苦嚴日益精進遠近向風慕道雲行水至

舍粟布金委輸恐後由是改山門於舊址南數十步廡東新屋十餘楹徑術架立繚牆完固肇作於嘉慶某年月日落成於道光某年月日崇像設敞法筵潔齋福通井匱斲木塗金百廢具舉計用人若干工用資若干兩爾迺龍象琳宮化現涌出緇素之侶鑿其精誠旣立方丈遂興道場每歲栖流挂單禮足者以萬計達公心懲往闕追念前塵介温君稼生踵門乞言以書諸

禍余以不文辭兩年於茲復申前請夫周禮遺人廬有飲食路
室候館準是以求則吾儒經濟淪在叢林豈可數典而忘其祖
譬諸泰西天算華嚴字母聖門六藝散於四裔苟緣達公之用
心推而放諸巽序將烏程義學有五其一在潯者雖至今存可
也然則昭往蹟以厲方來殊塗同歸不為無補允宜濡豪牽連
舊事以傳久遠道光十年正月里人張鑑記吳江吳鳴鏘書上

第二石

東藏寺重修山門記

道光十一年正書在東藏寺天王殿壁據拓本載文

本寺住持於戊子秋捐益貲改建山門募 諸大護法敬塑

彌勒尊佛 護世四王菩薩金相并萬年石座所有樂輸銀數

肅泐 芳銜以垂不朽

此下捐資姓名不錄

道光十一年四月

東藏寺監院悟銓敬識

按銓字誤刻銓字

南潯重修東塘碑記

道光十二年正書在巡檢司署頭門外右壁額篆書南潯重修東塘碑記八字據拓

本載文

里人張鑑撰文 仁和宋烜書丹 錢塘趙之琛篆額

南潯接郡之東關為運河七十里名曰東塘斯堤之創於前明
萬歷三十六年郡守陳公名幼學之始築也歷有年所歲久遂
漸侵剝案志乘并舊碑紀其如是豈古人善政之所施精誠之
所寄各有不同故其傳於後有顯晦久暫之分哉壬辰春邑侯
楊公名紹震奉 檄勸修圩岸爰及東塘迤西三十里郡城紳
士任之迤東四十里工歸之潯鎮內潘楊橋一帶夾塘料實工
堅估計籌畫侯皆盡力條理焉先是辛卯夏恒雨為災 當事

具

奏蒙

聖恩蠲賑並行稍舒佃民積困維時天嚴寒我侯獨任其事稍暇時與鎮士夫飲酒賦詩得潯水聯吟若干篇所言皆勸分謀諸紳士耆老以工作賑侯力主其議凡三日捐集八千餘緡復委任參軍胡公培荃巡司胡公次耕汛守陳公遇春再勸而推廣之議修東塘鎮人疑之以為東塘之工應屬沿塘鄉莊非鎮人事侯謂勸分以救災也被災以圩岸之不修也鎮既慕義捐有成數矣乃視被災區以為非吾圩岸也而聽之不修浸假而災又至而勸吾捐者又來而負吾租者且益以肆士民受累伊于胡底是以救災不如禦災之為愈也于是眾議息而程工定

職事者咸勉力焉自鎮之西柵起至十里橋舊係土隄改築塊石塘計一千三百丈潘楊橋條石夾塘計一百七十五丈橋西添築六丈皆完固中間埤沒范村集木月影黃明等橋皆建復經始于三月甲子工成五月乙亥資費萬金附鎮另工不與焉是役也郡紳士鳩工在先暨而鎮人繼之通隄之工始竟陳公之故蹟始新從此通驛遞利漕運衛農田獲水利而皆得之荒政此我侯之德溥生民古之循吏何多讓哉勒於貞石以傳不朽解曰

陳公出守

著蹟吳興

隄經水患

浸沒田塍

計年二百

計里七十

碑則未泯

堤且增置

是歲有儉

而民無飢

以工作賑

乃新斯隄

斯隄永固 此水常清 前陳後楊 周道砥平

大清道光十二年太歲在壬辰夏六月朔日

職事沈鳴珂 俞亦彬 温思恩 吳謙 郁榮之

張衡舟 張丙奎 朱立楷 陸樹玉 張永海

錢維鏞 梁鏞 張墀 姚錫章 邱學海

孫鈺 沈登瀛勒石 武林陳纘思刻

重建南潯巡政廳治記 道光十三年正書在巡檢司署大堂左壁據拓本載文

巡司之有署也昉於前明洪武年間在後潘村建設迨

國朝乾隆四年移駐南潯鎮析津何公廷舉詳請剏建衙署即

改爲南潯司百有餘年未經葺理日就傾頽前儀徵朱公應豹

曾借廉繕修至嘉慶己卯富平張公鳳來修建三堂花廳神祠

頭門嗣以被水摧圯余於道光辛卯歲來蒞茲土續增整葺並

添建三堂二間需資壹百餘金惟大堂久閱星霜未加修治不

足以蔽風雨而壯觀瞻用是詳請捐廉鳩工庀材亟爲興築復

增設川堂並二門左右兩廊於今癸巳年八月初七日經始至

十月初六日落成計用銀肆百兩有奇雖規制如故而崇飾增

新余於此亦殫志經營焉耳是爲記

道光十有三年歲次癸巳一陽月吉旦

西蜀宜賓胡次畊謹立 平望周龍紀錄

烝字五圩社廟記 道光十三年正書在西莊村小圩五聖堂據拓本載文

世傳莽將能驅蝗而居易錄直以爲宋金壇劉宰漫堂者豈不

以神之所格不可度不可射乎不知人之是不不必較苟有所

以禦災捍患則無不同也烝字五圩為烏程四十三都震澤下鄉圩有叢祠頗著靈爽禱無不應春秋報賽靡有虛日相傳神有封號非汝南鮑魚李核可比道光癸巳冬紳士周士堅等因耆老之請謁文於邑人張鑑將誌歲月於石乃為神弦之曲著其土風焉詞曰

傳芭代舞兮神林幽篁災祲無害兮稼穡不痒神之來兮黍潔泉香神之歸兮塗車芻航神聽和平兮民用樂康

是年十一月

里人

金大鯤談治邦

孫鉉周士堅

立石

始緣信士龔天福

按秋水文叢載此文因耆老之請句下有以布施金錢拓祠宇而新之十一字乃篇中要語書丹者妄刪之則下文

誌歲月句上無所承矣此本五聖廟文乃託言莽將今攷惠棟九曜齋筆記云羅鶴應庵任隨意錄曰五顯事蹟無從覈實獨胡定庵謂五行主宰之神而盡廢習傳諸說天下記之者甚多我太祖建廟鷄鳴山隸于太常故紀定庵之論以俟攷其說曰本朝神祠見會要姓氏皆可攷惟此獨無姓氏何耶升曰莫之為而為者鬼神也周禮小宗伯兆五帝於四郊漢儀祠五祀朝明堂圖五方帝位于昊天之間至大之物必有主宰者故曰元囂曰祝融曰句芒曰蓐收曰后土皆指水火金木土而言若五神豈非默助五行之造化以福生民乎或者以五聖為五通非也蓋本朝

政和元年正月詔毀五通及石將軍妲妃淫祠至宣和五年適有通貺等侯之封前後十餘年黜彼之邪崇此之正昭然甚明尙可得而並論之乎亦緣鄉曲前輩偶傳會佛有六通弟子五通之說以啟後人之疑耳迪功郎國史實錄院編校文字胡升書按筆記鈔本多脫誤無從校正姑依原文又祝穆方輿勝覽曰五通廟在徽州婺源縣乃祖廟兄弟凡五人本姓蕭每歲四月八日來朝禮者四方雲集然則五聖尙在莽將之前亦非無可攷也

重修城隍廟後軒記

道光十六年正書在南柵城隍廟未拓據鈔本載文

吾溥之祠記

城隍神也自

國初時始門殿寢廡規制畧備其後有軒三楹

臨水北向顏曰岸觴實爲朱翁典夔袁翁賡颺諸公所建事在乾隆戊申迄今已五十年矣岸石棖題漸就傾圯風雨不蔽勢及寢殿于是前此與事之家約其同志以期鼎新率由舊例各捐己資哀木石鳩徒眾闕則補之泐則易之漫漶黝昧則丹雘之凡閱若干月糜白金若干兩而軒之舊觀以復工旣訖朱翁之孫瑞文承司事者之意屬予爲之記予惟是軒雖若無口於神明而兆春秋之祀事士女之瞻仰與夫答 神貺者之奔走賽會僉以是爲休憩之所于以尊廟庭而肅觀瞻則今之所以踵前功而增修之者其事不偶然也而豈惟是備遊觀已哉舊無碑記故司事捐資之人俱不詳姓氏今並與重修者列之于左俾後之人有所考焉謹記

此下有故友眾姓士及同業眾姓士立碑題名不錄

大清道光十六年歲次丙申冬小春月 里人眾姓敬立

丁桂撰 馮尙達書

重修羅祖祠碑記

道光十八年正書在報國寺西羅祖殿文不錄

重修聚星塔記

道光十九年正書在東藏寺塔壁據拓本載文

南潯之爲鎮始南宋理宗淳祐之末前此猶未著焉古烏程邊境東至平望自太平興國三年割潯溪以東五十里之地隸平江軍吳江縣於是潯始爲湖州東出之門戶旣爲要地商賈于此輻輳人物亦于此殷繁漸設稅務置官守而南潯片土遂屹然成巨鎮顧地勢稍平衍旣無邱陵以爲鎮壓又乏湖匯以爲瀦蓄運河貫其中一瀉無餘論者以爲洩氣太重此前明嘉靖時董大宗伯所以建浮圖于東藏寺前非特爲一鎮壯觀實爲

一府水口計也第基址建而工中輟故俗以半塔目之迨國朝康熙中其元孫芝筠徵君重修寺宇并爲塙合尖以其規制未備故名曰聚星閣迄今百五十餘年矣風雨之所剝蝕霜雪之所侵凌日損月壞直有傾圮之慮巡檢宜賓胡公次耕見之曰是入境者觀瞻所係此而不修焉用守土者爲是時虞部溫君文禾適以假歸里爰與寺僧達曾商之分請董事各展其力又得通判漢軍陳公天瑞把總錢塘陳公遇春先後勸捐相助爲理其事始集於是鳩工庀材經始於丁酉季春竣功於己亥孟夏費白金千五百有奇凡土木之工三分居其二丹漆塑像鐫字及架木石工十五分之二鐵冶之工十之一雜費亦如其下層三丈則仍其舊其上層五十五尺皆易以新材雖未能

上出層霄為四方表識而亭亭卓立于塏之規制略具遂稱之為聚星塔今而後東境偏隅得有關鎖為吾鎮奠湍流即為合郡固門戶其有關風水豈淺鮮哉塏既成寺僧請書其事于石以垂永久余謂是役也諸君之協力與寺僧之宣勞皆不可以不書應與捐貲者姓名並刊諸石故不辭而為之記

道光十有九年歲次己亥四月里人沈登瀛撰温文銓書吳門陳錫祉鐫

司事姓名附書于後

生員紀榮炳 例贈奉直大夫工部虞衡司主事生員温梅辛酉拔貢甲子副榜候選復設教諭張鑑監生俞彬候選縣丞張永海監生盛士松職員蔣坦戊寅舉人授職翰林院典

簿馮鳴盛 恩貢生候選復設教諭董桐儀監生朱型監生

吳兆澂監生張墀文學朱滌候選州同知張大年辛卯舉人

揀選知縣董榮椿生員沈登瀛

住持達曾 悟詮 本善全立石 塔工姚玉輝

五聖堂善信助錢題名刻石 道光二十二年正書在小圩五聖堂神座右側文不錄

翁方綱書鮑明遠登大雷岸與妹書勒石 道光二十三年倪良燿刻凡三十六行行

二十十字文不錄石藏張氏適園

禁油車僱工把持索詐告示 咸豐七年正書在嘉應廟牛王殿文不錄

南潯志卷三十八終

南潯志卷三十九

人壽長壽以壽其本其本之壽里人周慶雲纂

碑刻四

永禁外來寄寓告示

同治九年在西柵武聖宮左壁凡府縣兩石文不錄

創建潯溪書院記

同治十一年正書在墨溪今書院改為學校碑嵌端本堂壁間文十五行行三十四字據

拓本
載文

潯溪在烏程縣東七十二里其源委見宋談鑰吳興志相傳舊有圖明季寥寥數十家耳理宗朝始立為鎮有南潯之名則市廛漸密可知元時鎮有學設教諭一員以主學事於此見文物聲名蒸蒸日上盛焉明制非郡縣不立學其外講學之處則曰書院然正學廢而書院未興也我朝沿明制書院與學校並重潯

溪毓秀鍾英尤不可無講舍以聚之咸豐末鎮遭兵火操觚者散之四方同治乙丑始以試事並歸故土講學如恒然廛舍未立何有於書院越五年邑侯蕭公書觀風莅止慨然者久之始出廉俸二百緡倡建潯溪書院郡侯楊公榮緒宗公源瀚復鼓舞而振興之潯人皆踴躍從事樂觀厥成於是朱文肅公裔孫養恬等助地廣袤三百三十餘步在東柵運河南馬家港東岸一名墨溪又續置潘氏地廣袤九十六步鎮之絲商撥義舉項下錢三千餘緡於庚午年冬十二月鳩工庀材建講堂三楹顏之曰端本示崇樸學君子務本本立而道生自天子以至於庶人豈是皆以修身為本其端本之意乎前關儀門門有塾西關大門臨溪水後峙層樓為退息登眺之所堂之旁又建精舍三

楹可以延賓階祀秩然有序庖湏完整至辛未年冬告成於是考核有期講肄有地分給膏火有定程士氣文風於茲復振此當道作養人才之力亦鎮人扶翼名教之功也是為記

同治十一年壬申仲春月邑人徐有珂撰里人張楨書蔣維基

篆額

按記共四百五十三字小不其山房集明季作溪上居民塵作闌鎮有學作建鎮學正學作鎮學示崇樸學下有也字西關大門上有又字分給作分結較石刻共多四字南潯備志源作原明季作民居於此下有以字聲名作聲明正學作鎮學示崇樸學下有也字西關大門上有又字較石刻多三字

友石亭記

同治十一年行書石在南柵華家橋西岸桂氏縱一尺橫二尺三寸三分行書字徑四五分二三分不等共二十三行三百十七字

古來翰墨之緣惟壽諸石者為可永

已上第一行

久珍藏之家代不

乏人然往往視爲秘本已上第二行不肯出而問世蓋古人精意所

存天地亦已上第三行甚愛惜之非其人非其地非其時則不屑已上

第四行輕於自炫耳余素性耆癯頻年購已上第五行求而卒鮮善本

今春自吳門返棹道已上第六行經黎里偶於骨董家得觀山民徐

先生所已上第七行藏紫藤花館石刻把玩之餘覺當時已上第八行名

公鉅卿與夫文人學士之手澤無不已上第九行萃於斯余摩挲

再四愛不忍釋因出重直已上第十行購之歸而什襲藏之時余新

葺梅華已上第十一行仙館卽於東南隅構一亭亭旁先有古藤已上第十

行二數本與竹石相輝映嗟乎兵燹而後瓦已上第十三行礫載塗矣殘

碑斷碣其埋沒於荒煙已上第十四行蔓草中者不可勝紀徐氏家藏

幸而獨已上第十五行完并得位置於斯亭之側則不特余之已上第十六行

夙願能償卽其地與時亦歎遭逢之不偶已上第十七行此固余之幸

亦石之幸也夫造物無盡藏已上第十八行人生鍾愛之瑞天亦若留

餘有待故相遇在已上第十九行無意之中相賞在無言之際則其中

真趣已上第二十行曷有窮極乎因顏其亭曰友石已上第二十一行

同治十一年六月吳興周昌富記并書

友石亭記同治壬申夏六月少卿時客潯溪

此題簽係隸書附刻記後四周作長方之界綫慶雲按此簽字係湘鄉傅澤鴻所書澤鴻字少卿浙江候補知府曾署湖州府

摹秦琅邪臺刻石嚴可均篆書同治十二年周昌富刻石凡八

方四百五十四字今在南柵劉氏家廟壁間

錄文不

周昌富跋秦琅邪臺刻石在諸城縣治東南一百六十里琅

南寧志 卷三十一 碑刻四

邪臺海神祠始皇頌詩及從臣姓名剝蝕幾盡存者十三行首行五夫二次行五夫二楊樛三行至末爲二世詔書尙可指而識也吾邑嚴鐵橋先生淹貫宏通尤精篆隸之學於嘉慶戊辰八月據史記所載仿家藏舊拓本式重寫全文字形大小悉依眞蹟道光乙未解校官組歸延同族秋樵章福課其子秋翁亦精小學與鐵翁頗相契合因出舊寫琅邪臺本授之秋翁由是篆法益精著有說文校議議卅篇迨辛酉寇至秋翁倉皇避難載與俱出迄今無恙今秋嚴君蟾香惠顧友石亭罄談數日道及此碑因得索觀余展閱良久愛不忍釋因鈎勒上石以公同好庶舊拓雖蝕不啻重覩全碑焉同治壬申冬十二月

下有沈善登吳雲二跋不錄

張謇跋右烏程周氏刻嚴鐵橋依史記補書琅邪臺秦始皇頌詩及二世詔書大臣從者名四百五十四字攷琅邪刻石舊稱十行乾隆間益都段松苓精拓前後皆有多出之字凡十三行王蘭泉金石萃編所据必亦段拓故錄稱十三行而二行五大夫楊樛不至如錢辛楣誤樛爲潔也今段拓至不易得矣求先秦書法泰山二十九殘字裁存其十嶧山久毀陳思孝所謂長安紹興浦江應天府學青社蜀中鄒縣諸翻本亦大半不傳然則仿徐鼎臣摹嶧山碑例以贗後生嗜古之願豈非甚盛事乎惟翁覃谿謂以今衣工尺度琅邪畫寬一分二三釐今以尺度嚴書裁得一分是周氏及桐鄉沈氏原跋稱字畫形體大小肥瘦一依舊拓殊不然也顧旣出補

書不妨稍異或者鐵橋當日亦主王翦林篆貴瘦之說耳石
今歸南溟劉氏澂如戶部以拓本見貽爲書而質之光緒二
十年正月

劉錦藻跋邑先正嚴鐵橋先生以通經學古精小學名嘉慶
朝尤工篆法下筆一本秦石不失尺寸曾爲陽湖孫淵如觀
察摹勒泰山殘石二十九字於德州學宮高貞碑之陰識者
歎其奪真此補書琅邪臺全文四百五十四字爲同里周丈
芸齋鈎摹上石用筆腴潤而乏雄直之氣與余向所見先生
墨跡瘦硬通神者殊不類疑非先生得意書或工匠鉤填不
慎致失真面未可知也國朝以篆名者首推完白山人融會
古人之長自出機杼遂覺生面獨開不善學之易涉佻巧自

餘諸家類皆導源少温以窺上蔡門戶雖所得各有淺深要
之圓美有餘雄駿不足錢州判工力最深究其所詣終不出
少温範圍他可知也先生著作等身固不必以書名然其墨
守秦石終身不懈一點一畫步趨恐後故雖乏流利生動之
致而漢唐諸石刻未嘗一筆闌入斯亦見專門名家之可貴
矣周丈旣輦石歸余因書其後光緒二十一年乙未

九友堂記

同治十一年行書在南柵育嬰堂傍九友堂左壁凡二十三行每行十五六字不等據拓本載文

昔在明中葉烏青有九老會或貽以詩云尋常樽酒頻酬勸適
意林泉任往還可想見其高致余常與朋輩語及之謂古今人
豈不相及也久之未有所合則姑置之壬申冬自會稽假歸溟
上舊雨沓來復理前說適仁懷堂東偏有隙地數十弓同人遂

南溟志 卷三十九
醲金購得之將築室以爲社會地前臨方池饒菱藕幽芳雅潔可愛兩岸植柳則多綠蔭花晨月夕呼朋觴詠其間不足寄清興乎時亦得九人因顏之曰九友堂夫同門爲朋同志則曰友九者陽數也易以陽爲君子故有取乎九且於祝嘏宜不必遠援香山也援烏青焉可已抑昔潯之人嘗祀鄉先輩於妙境庵遭亂以來此典闕而未舉斯堂也成曷卽於斯薦蘋藻乎僉曰可則請將來以所築歸之公明我九人無私可乎僉曰可約旣成眾鑿之乃援筆而爲之記九友者爲劉貫經鏞張竹齋頌賢金竹庭桐龐芸皋雲鐙邱樸亭炳咸周芸齋昌富顧容齋壽松蔣密樓維城與余而九是歲仲冬謝城汪曰楨記
同治十一年癸酉三月旣望退樓吳雲書

吳門王鳳章摹

放生會記

同治十二年十二月正書在東柵馬家港周氏祠壁凡六石每石二十行行八字據拓本載文

古者有大事牲必特殺後世佛氏之教入中國於是有戒殺之條而濟之以放生之說守禮之儒生莫能難也原其用意蓋亦先聖王之所深嘉而樂與而仁人君子維世導俗之最切者歟生之日稱觴設宴非古也積習相踵視之幾與大賓大祭等其甚者窮水陸之饌列筵數十百殫財殄物罔有旣極較諸古人刳羊擊豕膾魚包鼈云云者蓋倍蓰而無算焉夫以一生戕眾生心則不安以殺氣干生氣理則不順而世俗之貴賤男女相率競效之嗚呼弗思耳矣或曰有其舉之莫敢廢也今世旣有生日之禮則人子之求有以慶其親而資力稍裕者宜必有異

於平日而後可曰是固然矣吾聞之禮以義起生日所以樂生也亦善推其所爲而已由我而推之人誰不欲厚其生者又由人而推之物亦誰不欲遂其生者君子之於人苟分之所可爲勢之所能爲則必爲之其於物之生也亦然循是道以慶吾親夫誰曰不宜昔唐顏魯公之爲放生池碑也曰姬煦萬類勤勞四生曰德力無競慈悲孔碩維時天下放生之池八十一所中孚亭育駸駸乎有鳥獸魚鼈咸若之美後之君子允宜師其意多其方播告同人宏敷闡澤卽以代生日之祝筵也亦庶幾乎亡於禮者之禮烏程周太恭人今年七十有九矣每歲生日輒誠其子毋蹈世俗華靡習且曰必毋殺於是或爲積穀倉或爲敬節堂或施棉衣或施湯藥或創焉或助焉垂十年不倦每事

各費錢數百緡太恭人聞之輒色喜今歲又以錢五百緡爲放生會由濟人而及於利物稱名小而取類大是固中國先聖王法外之意而大雄氏所以蠲敝崇善者也天地之大德太恭人之長生未央蓋皆於此可見也已太恭人姓許氏力貧撫孤教四子皆成立卒以勤儉起其家四子長曰昌壽出嗣伯兄後早卒次曰昌大次曰昌熾次曰昌富太恭人旣以身率其子雖老節約如貧時而昌大等亦各有以得親歡可型於鄉可詔於後荀子曰美意延年蓋世俗之能壽其親者未能或之先也昌熾者字味六與桐鄉沈穀成庶常爲姻舊介之授簡於余曰請記之余曰是舉也一事而四善備矣於太恭人之務全物命也可以觀仁焉於其戒子以行善爲福不事頌禱也可以觀智焉於

昌大昆弟之能承親意以養志也可以觀孝焉於昆弟三人之無間言無吝色也可以觀悌焉仁智孝悌德之大者也而毅成樂道人之善義亦得並書乃援筆粗論其旨而述其事之畧同治十有二年冬十二月嘉善鍾文烝謹記於上海敬業書院桐鄉沈善登謹書

〔沈秉成跋〕列子邯鄲之民以正月之旦獻鳩於趙簡子簡子厚賞之客問其故曰正旦放生示有恩也放生字義似權輿於此蘇文忠放魚詩曰不怕校人欺子美王注子美卽子產子產養民以惠有眾母稱仁民者必愛物放魚其仁心發見處也秦漢以降如楊寶之放雀孔瑜之放龜虞愿之放蚺蛇皆炳著史籍侈爲美談徽國紫陽文公理學大儒錄宋代名

臣言行於曹武惠葺屋不傷冬蟄事稱其仁心愛物然則放生之舉仁愛之徵古今名公卿大夫嘗留意於是矣吾鄉周太恭人善人也慶七十生日後歲輟生日醮賞之費以賑貧恤嫠施湯藥今年年七十九又率錢五百緡立放生會令子昌大昆仲能將順母意無懈怠無恹容跡太恭人所爲有合於毛詩善心爲窈之義跡昌大昆仲所爲有合於戴記令名思貽之義是母是子以綴附古今名公卿大夫後良可無愧豈覬計區區福田利益者比哉楊子曰物可壽以其性人可壽以其仁請爲太恭人誦焉同治癸酉季冬之月

按跋行書凡十有六行刊附記後

淤溪戒殺會公言

同治十三年三月正書凡十石一百二十三行行十二字在東柵馬家港周氏祠壁據拓

南澤志

卷三十九 碑刻四

八

本載
文

持戒同人竭誠盡敬告諸仁者願垂聽許我聞古訓天覆地載
大德曰生人與萬物並育不害凡有血氣皆有知覺皆能運動
卽皆有命深自護惜故人與物雖分靈蠢樂生惡死其心則同
如何世人湯不加察知顧己身不顧物命恣殺無厭於心何安
我今演說戒殺道理祇將此心推及物類往年兵亂我等逃避
徼天之幸竟得生全假若爾時爲賊追迫步步逼近知必不免
此心如何不慌懍否又若爾時竟被擄去如牽羊豕知必見殺
此心如何不惱亂否又若爾時見我伴侶已被屠割血肉狼籍
此心如何不驚怖否又若爾時見我眷屬綁縛就刃號救無路
此心如何不慘痛否又若爾時殺及我身肢節殘墮痛急聲嘶

命尙未絕不得速死此心如何不冤苦否又若爾時本當卽殺
忽遇一賊放我令去此心如何不喜幸否又有一賊無冤無仇
勸阻勿放必欲殺我此心如何不讐恨否又若爾時賊忽大赦
凡我被虜皆可望生忽又一賊言我諸人生當劫數理合盡殺
此心如何不瞋憤否又若爾時我伴侶中多半病廢本擬放去
乃有一賊大不謂然云此廢物本無生理不如殺之了却殘命
此心如何不忿怒否又若爾時我眷屬中多半嬰孩本擬放去
乃有一賊更大不然云此小命不殺亦死不如蒸食尤嫩可口
此心如何不怨毒否如是種種捫心自思我爲口腹烹宰禽畜
乃至魚蝦蛤蚌之類彼諸物等當捕得後刀俎之側鑊湯之前
自念此身及其眷屬並諸伴侶頃刻畢命受痛無量口不能言

宛轉就死與我遇賊種種景象種種心念是同是異若復有人聞我所說猶執偏見橫生疑難或云諸物本以養人天生如是應在殺數或云諸物生來命賤無知無能不殺何用或云諸物至微極細不算性命殺亦無害如是邪說強詞奪理我亦不辯但請此人將心比心與我所說忽然遇賊九死一生幸蒙憐赦而被他賊無端勸阻終歸慘戮種種景象種種心念是同是異故我同人誓願戒殺非爲求福非爲免禍但爲己身知痛畏死此心難昧因代彼物設身處地反覆思量實大不忍願諸仁者聽我所說各發慈心同集斯會凡諸當戒先其易者由淺入深各隨心量有如我等肉食旣慣勢難長齋可食五淨五淨者何不見不聞不爲己殺及物自死或鳥獸殘但旣自戒當念一家

現身說法開導善機咸令信從一概勿殺生人旣戒當念祖先至誠孝養必能感格喜我持戒祭祀勿殺祀先旣戒當念敬神正直慈祥必能降鑒福我持戒祈禳勿殺合家旣戒當念親朋情義往來必能原諒知我持戒宴會勿殺平日旣戒當念有事一切喜慶置酒稱賀我求快樂令物慘死不平太甚是所當戒嘉慶旣戒當念凶喪我方哀死冀其復生物本生存乃令速死怨道安在尤所當戒更細推之蚤蠶蠅蚊雖甚可厭但此些小損我幾何遽動殺機殊覺不值亦所當戒更細推之毒物咬人痛固可恨但雖殺彼痛亦仍然徒累此心變慈爲狠亦所當戒更細推之有氣味物易引蟲蟻勿棄當路致人踐踏倘不留心近乎誘殺亦所當戒更細推之舉足動步安置器物一切修造

易傷物命倘不留心卽是誤殺亦所當戒更細推之漁獵諸具一切機械雖非自作或傳於人是名教殺亦所當戒更細推之畜貓養鳥多傷活物雖非教他實我流毒是名縱殺亦所當戒更細推之撲虻捕蟬鬪蟋蟀等縱不傷命已促生機名戲弄殺亦所當戒更細推之見他殺生或物相殺不生憐憫可救弗取名輕漫殺亦所當戒更細推之見他殺生勢不能救隨口應酬謂尙無妨名贊歎殺亦所當戒更細推之見人或物犯罪當殺雖其自取應生哀矜而反快意名懽喜殺亦所當戒如是諸戒悉數不盡總歸自心隨處省察初若煩難久則純熟漸推漸廣自然而然更發慈心買物放生但關性命不拘大小不問多少不限時日極貧之人日省數文或一二文富貴之家數百數千

多多益善各隨己力盡己之心功德一般同獲善報或延壽算或多子孫或解疾厄或度災難窮者得通苦者得樂一切謀爲莫不遂意我如是說眞實无妄不論儒教不論佛教不論道教皆同一理要而言之吉凶感召惟在自心自心惡殺犯殺卽凶自心好生全生卽吉不待報應當下了然天地無私如鏡照影面目好醜毫釐弗差願諸仁者鑒我苦口逢人轉勸聽信斯言同治甲戌春三月中澣秀水沈景脩書於當湖署齋

沈秉成跋釋氏合殺盜淫爲三惡業而殺字義諦包蘊甚廣一舉念間偶萌殺機卽墮苦趣不必刀斫鼎俎也吾鄉周君昌富糾同志立戒殺會草公言一通持以諭余余受而讀之其言於殺字義諦及戒殺緣起罕譬而喻四通八達令人回

心嚮道不敢縱恣口腹揆諸吾儒遠庖廚禁驛卵兩義亦無
所障礙是誠不可思議功德以善知識而具廣長舌者矣夫
戒定慧三言釋氏入手工夫而戒爲首務戒殺又諸戒中之
首務也同志者盍共勉旃同治癸酉季冬之月

按政行書凡
十行附刊公

言後

歡喜功德歌

同治十三年正書凡
三十一行行十六字

今日人生日願說人生理有一勝功德普令眾歡喜歡喜從何
生功德從何起祇從我願心推到家庭裏我願我自身精力多
健彊百歲長不老無病無災殃我既如此願還願我爺孃大恩
難報答願同壽而康兄弟我手足妻妾我衣裳亦願同白首團
欒聚一堂子女并媳婦下及孫曾行皆我所憐惜皆願壽命長

凡我如此願祇爲骨肉好痛癢常相關性命常相保所以逢生
日焚香默祝禱彼此相慶賀不問老與小老小既同願不勸自
然行此願豈不好但恐虛難憑何不作功德歡喜發至誠功德
有多端第一是放生放生感生氣此理非難明試看眾生類一
一皆含靈豈不有性命我重彼豈輕豈不有骨肉同此憐惜情
生人亦生物天心本兩平我能體天心所願方能成願成亦非
難各量力能濟但於本命日合家相集費人人有本命此日最
吉利一年各六期零湊亦容易儘費買放生多少原不計以此
祝長生以此表愛意庶幾感天心且亦生和氣和氣滿一家到
處皆生機我爲爾祝頌爾爲我求祈子孫爲尊長於此盡孝思
尊長爲子孫于此廣恩慈兄弟相爲好其樂真怡怡夫妻相愛

有尋志

卷三十一 碑刻四

有尋志

卷四十一

著述一

三

敬亦莫過於斯人人借眾力積少成名貴久久行不倦天心長鑒知我願不虛日積功德茂知我合家人歡喜善緣湊利物還利人壽他卽自壽譬如一畝田墾到熟時候種瓜自得瓜種豆自得豆但能善心堅定有神明祐普望聽我歌所願必成就沈善登跋冰谷生旣刻淤溪戒殺會文以勸世因說是本命放生會法名之曰歡喜功德而屬余弟榆村演爲長歌俾婦孺諷之皆易曉了甚盛舉也其意以爲人生莫不願康健願長壽一家之中父祖子孫兄弟夫婦彼此相愛亦無不願其如此者須知此願心不待勉強自然生發正是天地間生生之氣流行不息雖娟飛蠕動之類但有知覺運動者莫不皆然人能擴而充之視物之生猶己之生則我胸中生氣與天

地間生氣常常接續普遍無間其爲長生也決矣必用本命日放生者欲人臨期猛省發願真切也人生本命每年六期一家骨肉彼此相助集爲一會屆期各出錢若干少則十文數文亦無不可是固輕而易舉而所作功德雖爲眾生贖命實無非爲自己骨肉卽無非爲自己身命也名之曰歡喜功德不信然歟或問以放生求長生果能如願乎曰是不必疑也古有疾病行禱五祀之禮說者謂悔過遷善以祈神佑近世亦盛行一人患病則一家爲之祈神許願或稱保壽往往而驗夫因病而始思遷善是但有其心尙無其事將來之善不善未可知也然而或驗者則以臨病發願心必懇切合家同願力亦倍大天心仁愛固不追咎其旣往不逆料其將來

所謂民之所欲天必從之理實如是然則放生求生之願果能懇切果能同心則每年六期之願豈不多於臨病一時之願久願已行之善豈不勝於甫願將行之善以此祈天永命又何疑乎因歡喜贊歎而題其後同治十有三年春正月巳

跋語錢塘吳淦書凡三十行行十八字比功德歌低二字

又跋於谿距南溟七里俗名藏穀橋余姻家王氏世居是地去歲糾其族眾戚友為戒殺會作此文以勸世周君芸齋讀而善之將壽之石先草數本徵題於同好諸君子家仲復觀察遂誤以為周氏作蓋因原草一仍王氏之舊不著撰人故也此文初出傳鈔者頗眾慈谿馮君冰谷尤亟歎賞謂可以為童蒙讀本有七善焉每句四字字皆常用易識易記一也

首尾止三百六十句句多排比易讀易熟二也平鋪直敘明白如話易於講解三也文雖淺俗而法無弗備逐節逐段意義一線穿成易於理會四也現前指點使人反求諸心尤易感動五也諸戒由粗入細無非檢點此心苟能童時習慣則將來於為學大段工夫亦易入門六也孟子曰君子之於禽獸也見其生不忍見其死聞其聲不忍食其肉今勸人食五淨肉則與孟子正合而人亦易從七也馮君又謂世俗多用本命日放生法最簡便易行而可久因屬余弟榆村以俗語演成長歌目之為歡喜功德似謠似諺似箴似頌詞意彌淺而人人彌深尤便諷誦余皆為之序跋而梓行之今芸齋既倩家蒙叔書此文復以歡喜功德歌及余原跋屬諸吳君鞠

潭並勒貞珉將使覽者或更愛其書法之工賞玩臨摹因以習熟其文義而好生惡殺推己及物之心不自覺其一動焉是則芸齋之權巧方便而亦吾人性地中生生不已之理其本無間於物我者有終不可得而過緘者也世有疑是為佛氏之教者請於讀之而不覺動念處著眼返勘勿徒口辯同

治十三年夏四月

凡二十一行每行字數不等沈善登自書

重建南潯通判署記

光緒二年正書在東柵通判署頭門右壁凡十五行行三十七字據拓本載文

南潯鎮之設立鹽漕水利湖捕通判署也肇於乾隆八年自郡城移駐南潯以便控制巡哨亦以潯當江浙之衝地近太湖煙火萬家儼然一重鎮也咸豐十年六月粵賊由震澤犯南潯縱火剽掠焚燒一晝夜盡成焦土而衙署亦煨燼矣同治三年四月大兵克復後官南潯通判者始則甯夏駐防正藍旗佛公齡

阿繼則江蘇葛公康錫湖南黎公錦瀚江西涂公冠皆賃民屋以理公事十一年江蘇劉公克成來莅任亦儼民屋以為署是時南潯經休養數載廣收蠶桑之利民困稍甦百廢漸舉向之遭兵燹而鞠為荆榛瓦礫場者今已市廛相接又復造育嬰堂創書院立義塾衙署獨缺而不備非所以急公而尊上也潯人惡焉董事者議俟鄉人貿絲時抽捐以為營建費公則以為取民財以充公用非為政之體亦非予恤民之心也事遂寢十三年冬公適有漕運之役署事者為江西揭公裕鎔仍假館於民間衙署之興作未暇計及焉光緒紀元六月公運漕事畢回任力請於上憲撥善後公款錢四千六百緡鳩工庀材公親督視

之經始於元年十月十六日落成於二年正月三十日基址仍舊規模聿新自轅門正堂暨燕堂內宅共計屋四十八間繚以牆垣飾以丹雘費有所不足則捐養廉以助之而於民無所取也公之勤政愛民於此可見一端矣辱承公之命不敢以不文辭爰直敘其事以為記

光緒二年歲次丙子夏五月穀旦烏程桂榮撰同邑周昌富書

嚴禁阻葬告示

光緒四年在南柵師善堂門首左壁文不錄

石土地頌

光緒十五年正書八行行二十字在廣惠橋西塊土地祠牆間

廟不在大神降則靈潯南廣惠橋西偏有神祠一所靈爽昭著香煙頗盛昌富自冬及春病劇甚妻氏往求神方病若失且精神健逾平時謂非神之默佑能若是乎徧查南潯鎮志缺焉無

攷或曰此即土地神也然緊在橋側或即橋神亦未可知但有功德於民則祀之宜詩曰神之格思不可度思因蒙神之庶爰頌神之德若于神之出處妄加臆述則褻矣

光緒十五年四月里人周昌富敬頌并書

烏程張封公墓碣

光緒二十一年正書凡二十五行行五十四字據拓本載文在東柵馬家港張氏祠壁

賜進士及第前翰林院修撰武英殿協修通州張謇撰書

光緒二十年戶部貴州司郎中張寶善逢國景慶援例加五級請晉贈其父頌賢為通奉大夫蓋其父已前卒明年具事畧屬內閣中書舍人蔣錫紳請表隧於通州張謇按公家世其先本貫徽州休甯康熙間始遷烏程居南潯鎮曾祖振先祖秀升父維岳繼勤於商維岳生二子公其次也字竹齋生以嘉慶二十

二年三月二十五日卒以光緒十八年正月二十八日春秋七十有六娶同里吳處士鯤長女生子男二寶慶國子監生花翎候選郎中次寶善由附貢生官戶部孫男六鈞衡舉人增熙增澄增鑑增翰增謙曾孫三乃熊乃夔乃燕女六女孫二秀升以公候選布政司理問請贈維岳並以寶善戶部郎中請贈均如例吳淑人先二年卒合葬江蘇震澤縣十九都正字一圖先塋之側公儀度廣類豐頤聲若洪鐘飲食與止有常節獨居危坐竟日無怠容言行守慈儉踐然諾應事敏而無機心亦詆啁而不觸人之隱凡畧所稱舉廩孤餼嫻藥病樞殫食衣寒餓道路便利人贍族田千七十餘畝敦行不秀皆他富人之所難而浙之人尤喜道公綱紀幹鹽之善瀕海之田斥鹵而不可稻也而

故可鹽其民席葭飯蕡而餽鰕魚而欲甘食好衣饒室家之心猶是也則私粥不可得而禁強此省之人食彼省之鹽勢力劫斷俛戾眾嗜官曰吾如是則利也民曰吾不如是則利也官一而民不止萬人人有惡官之心雖日抵人於罪而其勢不止則私販不可得而禁私粥與私販相需相周而商病而官病焉浙鹽自雍正朝兼總督李衛以松台温十三場地博產王配引之餘輒有盈羨溢漏爲私疏請發帑責場收買所謂帑鹽也於是責玉環同知收洋塘後垵鹽盤之鹽責定海知縣收內港十五澳之鹽責定標中營游擊收內洋二十二澳之鹽責提標中營守備定海縣丞收岱山秀山長塗之鹽責蒲門巡檢收舩艚責崇明知縣收縣境場竈之鹽令引商帑商依則納課分運售賣

輸經費銀以償帑本而儲其盈餘又以舟山收鹽最多提四千餘引令松江提標五營列肆城四門謂之營鹽又裁定鹽政將軍織造以下官衙濫耗自是私淨官暢至加餘引十五萬道餘引之課與帑餘之銀歲報十餘萬兩後雖日漸罷敗所報僅及十一而正課帑息汔無虧損延至咸豐之朝論者遂謂維持浙課李衛收餘鹽減雜課之效多也同治初元寇亂初平改引額爲票運繼又規復舊章而私販充斥引滯課絀商用俞病浙西鹽法大壞矣巡撫召商集議合願棄引者聽棄則悉畀公公延前安徽按察使張學醇知府沈平章先後總其事連約諸商變通成法并江海浦靖之巡爲二以分緝內地外洋之私并常鎮蘇松之廠爲一以大收餘姚岱山之私設帑引三萬四千道均

於諸商輕課減價以陰敵緣江並海之私於是商利益滋官課以充而公之家亦日豐大要其張弛大抵本於李衛夫鹽法始於齊盛言於漢而其事非聖王之大公人情所不順後世賢人君子亦嘗思有以決而通之而事固不便於計臣今天下就場徵稅獨行於滇中或以爲是不可試於額大課重之地則以是爲國家大業制四夷養兵足用之本不可易也顧行之或亦衰茶論者又不咎法而咎無人不咎法而咎無人信矣雖然李衛非儒者公亦非有大官要人之權也遭際盛明則足以奮其志而席陶朱猗頓之富亦足以自盡其才士庸有賢不肖遇不遇耶世之進退人者乃齋咨累欵徒無人之憂白圭曰吾治生產猶伊尹呂尚之謀孫吳用兵商鞅行法是也是故其智不足與

權變勇不足以決斷仁不能以取予強不能有所守雖欲學吾術終不告之由是以觀業無本末凡能爭時鬪智息其費比一都之君者皆過人之才非苟而已如公者雖曰得勢益彰要可謂當世千里之中素封之雄矣今天下又多言西法西人之於鹽也徵稅產所均遠近無二價此豈非賢人君子之所樂聞而彼顧能行何故因表公墓並綴而紀之以告中國談鹽法者

南漳周氏祠堂碑記

光緒二十五年正月十五日正書凡十五行行三十二字在東柵馬家港周氏祠壁據拓本載文

伊古逮今世家名族以尊祖敬宗之誠廣裕後合類之禮則有家祠久而子姓蕃四民之業經營四出於是宦遊服賈流寓亦長子孫遂著籍焉追思先緒無枝非本乃奉始遷祖締造支祠四方之震見聞壽紀載所在皆有家禮之大者也南漳周氏先

世家餘姚有宗祠建水閣村以合厥族姓康乂久矣枝族有聖能府君績學未仕治商出遊則家於湖州之南潯克昌厥後子孫日繁三世而後益興曾孫昌熾家守儒風服賈蔚然所謂學有本乃有末爰以至性倡率諸昆經營家祠必儉必固文質相宣崇祀始遷祖禮制必謹夫商必有學不待取質於外人觀寒燠以順時變則有天學審風土以識去就則有地學訪好樂以通輿情則有人學三才之大六經之菁英寓之周氏商業既世一一本於儒術非逐末嵬瑣者流夫是以家祠肇興已有儒生起家科舉源遠斯流長行見周氏賢孫子春秋瞻拜念念本根父兄子弟相勸勉以孝友睦婣外內交束以禮獻屬耳家風已撰再世家傳並及閨賢以張之今將勒石祠宇乞爲紀實之文

不佞既望周族之昌日進而未艾亦願本末之地觀感者有所
興起焉爾光緒二十五年龍集己亥秋七月仁和譚獻撰會稽
陶濬宣書并篆額

重建慈蔭寺碑記

光緒二十七年正書上有名垂不朽篆額四字凡十二行行四十字在東柵慈蔭庵內據

拓本
載文

粵稽盛唐貞觀初年有玄奘法師者佛門之領袖也周游西宇
十有七年窮歷道邦詢求正學凡得聖教要文六百五十七部
譯布中夏宣揚寶笈於是釋教盛行奉是教者古稱開士又曰
德士今之人通謂之和尙我中國二十三行省其間廟宇多矣
叢林盛矣所謂和尙者若不長齋禮佛苦志修行未免有負開
士德士之稱耶衲俗籍烏程世居潯水夙慕普陀名山僻在海

隅中多高僧不避危險立志朝山誠求披剃願受法戒因念故
鄉慈蔭寺咸豐間毀於粵逆先有天台僧了塵與虞公紫珊徐
公玉麟陳唐氏募創觀音殿並建後樓繼有張紳寶善之龐淑
人法名本靜重造財神殿洵檀越中無量功德然餘地尙多舊
規未復衲因之沿門托鉢踏遍吳楚得遇盛大善士慨襄善舉
樂建寺西殿宇四進蒙善女洪戈氏法名妙芳薛君芝卿張李
氏贊襄落成以作普陀下院復荷王洪氏興築駁岸礪埠河干
石路從此永瞻廟貌藉繼香烟恪守清規奉傳師派謹誌緣起
以垂不朽

光緒二十七年歲次辛丑春三月 上虞謝品撰并書

住持衲長慶敬立

聞濤橋土地祠碑記

光緒二十九年正書在祠側未拓據鈔本載文

聞濤橋舊供土地石像祠燬於兵像亦失所亂平里人另塑二像祀之由一而兩殆仿嘉應廟遺意今春浚河舊像忽得於水中色相依然眾咸驚詫急迎歸虔奉於祠與後塑之像而成三顧不獨香火因緣顯晦有定而三為眾象眾庶之兆由是卜焉光緒二十九年癸卯四月穀旦里人敬勒

溫鼎撰文

南潯通府孫公浚河記

光緒二十九年正書在東柵通判署前凡十五行行三十字據鈔本載文

甲午之役中東款議既成增開七口蘇杭屬焉自日商創大東公司於海上內河輪局星羅棋布日使者牒於大府分飭郡縣就地籌款疏濬運河以利航輪邑侯李公兩至南潯宣大府意

通府孫公矍然曰曩者江南黃浦淤淺西人以不利輪行也環請浚之當事坐以因循卒致大權旁落今日人此舉夫亦藉以餽取乎水利是余之職地方自治何敢以不敏辭遂與在鎮諸鉅紳謀始諄諄勸通力合作諸紳感焉議遂定於正月四日興工閱四十日工竣計長三百七十六丈三尺濶三丈至五丈中深三尺五寸有奇統計挑土四千九十九方零費制錢四千餘緡工既成鎮人謀所以惠公思紀其事以勒於石論者曰方今國勢積弱內地華夷雜處交涉之案大都太阿倒持得寸則寸得尺則尺求其不激不隨握自主之權無俾外人干預即在方面鉅公且難其選況以府佐閒曹幾何能具此識力哉爰述大概以綴於編後之官斯土者庶得所厲目焉至於公平日善政

如火政團防平糶積穀諸大端暨監督河工必躬必親尤為勛勞懋著鎮之人耳濡目染早已載道口碑茲不具贅

光緒癸卯秋月闔鎮紳耆敬紀

吳郡唐仁齋鐫

龐雲鎔墓表

宣統元年正書凡十九行行四十三字據拓本載文額篆書碑在鎮南棟樹橋墓上

清贈光祿大夫龐公墓表

前督辦廣西邊防候補四品京堂閩縣鄭孝胥撰并書

公諱雲鎔字芸皋世居烏程縣之南潯鎮幼讀書警悟異常童年十五習絲業精究利病父聽泉公游幕湘中公奉母黃太夫人以居母卒哀毀骨立服除聽泉公為公授室出篋中金二百使營生計咸豐十一年粵寇自蘇州犯湖州陷南潯公從聽泉公避之上海數月聽泉公歿公持喪不出鎮中張氏蔣氏初與

公合資設絲肆絲大售眾忌其能析資以困之公遂獨操舊業視市盈虛與為進退獲利倍蓰數年舍去挾資歸里買田宅設典肆亂後族人所居盡燬公葺而完之更闢宗祠置祀產具祭器復建義莊蔚然為望族南潯俗好溺女公倡立育嬰堂輸巨資躬為董事全活無算又立湖郡棲流所修南潯鎮市橋梁及杭州下河塘堤拱宸橋工直隸河南災公籌振款數累鉅萬大府奏聞傳旨嘉獎並准建坊給予樂善好施字樣晚遊蘇州見清節堂規制而善之立倣行於湖州未竟而疾革以命諸子乃卒年五十七歲夫人劉氏江蘇震澤處士方舟公之次女歸公時年甫二十姑已前歿祖翁在堂夫人以新婦主家事上下無間言公行善事常如不及夫人尤力贊之公歿長齋誦佛經率

子婦課蠶織以儉素自約老而彌篤卒年六十九子三人長景麟幼殤次元濟廩貢生恩賞舉人特賞正一品封典候補四品京堂三元徵附貢生分部郎中女七人孫五人慶壽辛桂蔭棠俱殤秉權惟錫方幼讀光緒三十一年三月十二日合葬於南潯鎮南移風鄉棟樹橋公廣穎重額雄傑有智畧每沈思輒以手掩其鬢任俠好義出於天性雖居鄉里而所營既廣用人甚眾率令日發一書因以鉤稽勤惰情僞悉得無敢欺者庚申以來洋商絲市甚盛眾商貪利爭趨之公謂國貨不能自售而權操於外人此危道也逐利不止一敗將不可振即棄去未幾絲貨壅滯洋商抑之皆大折閱破產傾家者相望而公獨以見幾不敗元濟收藏唐宋以來及國朝名人書畫甚富士大夫皆樂與遊予既習聞公之行事乃序次之以訊來者

宣統元年冬十二月

梁溪吳榮刻

適園記

宣統元年正書凡三石共四十六行行八字

南林張氏園臨鷓鴣之溪周二十餘畝其勝處爲二池館宇高下與池向背有堂曰淨碧有榭曰曜霞有館曰酣春有亭曰宿影有軒曰觀稼雜植海棠篁桂之屬蔽虧其間惟荷與菊尤盛爲夏秋花事之最而六宜閣者則張子石銘藏書之所也園成於光緒三十三年歲在丁未張子取季鷹適志之語名之曰適園史稱季鷹謂顧榮曰天下紛紛禍難未已子善以明防前以智慮後遂辭齊王問之辟人皆謂之見機吾以爲哲人之處世恒托於縱適一時之舉以避當世之汙蓋自度其志不適於世

則毋寧取適於己猶為皎然而不誣也往者余在漢口嘗賦盟
 鷗榭詩反宋儒玩物喪志之語謂喪志者更是一適張文襄公
 歎賞其語因戒之曰興到之作未可為訓然則喪志之適與適
 志之適其為同為異殆不足為流俗道矣余聞石銘多著名賢
 書畫秘籍善本且喜校勘精刊以行於世昔邢子才見人校書
 乃以思誤書為一適則適園之所謂適者安知不又同於邢氏
 耶宣統元年十月閩縣鄭孝胥記

禁勒索屍場開銷告示

宣統二年在南柵師善堂門首右壁文不錄

平陽縣教諭周慶森墓志銘

宣統三年正書文二十一行行十二字據拓本載文額篆書碑在

馬家港周氏祠堂

清故温州平陽縣教諭吳興周公墓誌銘

年寅弟餘姚朱中樹撰文

年世姪錢塘張蔭椿書丹

公姓周氏諱慶森字蓉史湖州烏程人曾祖諱恒隱德不仕祖
 諱良苗好施與稱於鄉里考諱昌大母董氏以勤儉興家有子
 三公其次也幼而聰穎嶷然如成人為文辭操筆立就輒不起
 草年十七名於庠累試不得第家又中落乃棄舉業而貿遷躬
 為簿錄綜覈雖精而業仍不振鬱居無聊遂援例以校官用年
 四十餘始授温州平陽縣學篆激拔英秀多所造就暇則以山
 水自娛澹如也居官四年乞假歸里有公益事度力所及無不
 與時望歸之著有做帚集詩文如千卷未及梓行而公遽歿矣
 時宣統辛亥二月朔日也春秋五十有一初以平陽教諭加中

書銜後以姪延祜官贈奉直大夫配邱氏稱賢能早卒繼室邢氏有懿行子二長延年開敏博學早擅文譽次延弼公卒後九日乃生女四長殤次適邱三適梅四字桂延年等將以某月日葬公於某原奉狀請為誌墓之文余辭不獲次其狀係之銘銘曰

獨善君子惟德是崇慥慥其貌鞫鞫其躬多士式範怡如春融積善有徵用基而鴻茗水之東佳城所宮豐碑兀岸長松青葱

千秋此藏永懷高風

陽湖薛念椿刻石

咸安橋記

里人張鈞衡記南豐趙世駿書宣統二年八月刻石石長四尺闊二尺共十七行行三十三字碑在橋側

距南潯鎮西北十里許近荻塘北塘間有河焉南北橫貫沿河而居者村落以十數河之北口有橋曰河泥載在邑乘由來舊

矣宣統初橋圯村父老謀新之奔走勸募歛終弗集會村人有傭於余家者間為先室徐夫人道其事夫人慨然曰甚矣人之不知務也夫橋所以便交通非若塔寺庵觀之建寘其興廢無與於人事者比也今僧尼募化人輒百方以應其求而於關係重要之橋梁則任其傾圯莫之或顧崇虛而昧實甚矣其不知務也爰請於予將罄儲畜斥簪珥以營之予聽其言亟贊成焉翌日召村之首事者至詢所需則以千二百金對夫人告之曰若嗣今無屑屑佗募橋工雖鉅予獨任之可也皆大喜而去於是鳩工伐石經之營之址仍其舊而工堅於初平石三礮高亦視昔有加經始於宣統二年八月翌年十月工竣乃橋成而夫人已前卒村人感嘆謂斯橋微夫人之力無繇成擬易以夫人

之名以示弗諼余固辭遂定今名卽所稱咸安橋也夫先王之政徒杠輿梁歲有常經爲上者旣設官以專理之故其民亦皆能急公好義趨事赴功不勞督勸自王迹息而人心日卽於苟且以爲事關公眾無庸一人爲之汲汲焉遂相率觀望而不知人與己卒交蒙其害人誠公其心以處世歲節其無謂之費而費之於此將見靡川不梁尙何徒涉之爲病哉予旣幸斯橋之成又傷夫世之廢而不舉有類斯橋之初無人焉肯力任其難者蓋不知凡幾也然則余於夫人之逝能弗彌致其悲悼也乎爰記之以論世之談公益者

南溟志卷三十九終

南溟志卷四十

里人周慶雲纂

著述一

宋

朱栴見進士表

厚德遺言一卷

栴及弟材同編裔孫國禎重錄有跋又有福唐葉向高跋吳道南莊天台

周如砥題辭

元

龐樸

見人傳

五湖狂叟集

張士諒

見人傳

思賢齋詞

董仁壽

見人傳

梅花詩一卷

吹景集云始祖仁壽公自梅林遷溟上惟喜吟詠曾和中峯梅花詩百首

嘉靖中毀於火

明

張翼 見人物傳 農田餘話

趙金 見人物傳 醫學經畧十卷 廣嗣全書 浮休集一卷 南漳著述總錄

云杜偉徐師曾序 淮獻集三卷

朱震 見封贈表 飛鴻集

董環 見人物傳 翠榆集

紀順卿 初名滔見歷仕表 荻塘遺集

董份 見人物傳 史記評鈔四十卷 漢書評鈔四十卷 後漢書評

鈔二十卷 泌園集三十七卷 凡詩七卷附詩餘又文三十卷申時行序四庫全書集部

別集類附存目

華揚 見人物傳 曉山園集

紀濂 見人物傳 戒子帖一篇

陸充齡 見人物傳 逸溪山房集 公車雜著 歸田遺稿

張金 字鍊之號北堂縣學生 養羽巢詩文集

陸以載 見人物傳 萬綠堂集

張斗 見人物傳 致覺堂集

董道醇 見人物傳 董黃門稿一卷 有朱國禎董黃門遺草序末有男嗣茂斯張跋 韓文評

鈔二十卷 龍山集一卷

張光治 見貢生表 禮經注疏四卷 善田詩集二卷

朱守愚 見人物傳 周易箋釋 道德經箋釋 南華經箋釋 楞嚴

經箋釋

董嗣成 見人物傳 星槎紀事一卷 道光丙申張鑑跋 青棠集八卷 四庫全書集部別集

類附存目云是編乃嗣成沒後其友茅維所編前有謝肇淪序稱嗣成古選憲章陶謝近體沐浴岑王如姑射仙人殫風飲瀝蓋略舉其近似至云使天假以年駿駿乎將立壇壝與海內爭雄則己顯言其學力尚淺矣鄭元慶湖錄經籍考引章嘉禎序略云青棠者何合歡也古稱酒也然伯念不喜酒而伯饒酒德其所吟詠往往得之賓朋謙語舞扇歌袖之間所善海內屠緯真姜仲文陸伯生吾湖臧晉叔吳允兆及子又以同學少年弟畜之而光祿遺編四卷尺牘一卷後附請建元才不啻三舍避之矣

張光朝字青霞縣學生青霞樓詩文集十二卷張氏譜云儀部劄稿周慶儲兩疏首題孫漢策敬輯二游稿一卷

許兆禎見人傳醫家四書朱彝尊跋云診翼藥準方紀醫鏡四部濶溪培元許兆禎著於御書閣縣志云申時行李廷機朱國禎朱儒作序朱儒曾孫茂時刊行

董嗣昂見人物狎鷗吟一卷西雨齋詩稿一卷雲柯集一卷

陳王猷見貢表詩經說彙

莊日益生表東山草二卷須之

張明起見貢表春秋質疑四卷

朱國禎見人傳明史概一百四十二卷自序云明史有刊行者有以未嘗奉旨不敢進呈題曰史概以別於全湖錄曰閱雪蓑云朱文肅史旨不復為匪人盜取數十篇此書竟勿克全至其僅刻其半其半復為匪人盜取數十篇此書竟勿克全至其文集數十萬言僅飽蠹魚之腹文章蓋有幸不幸焉按史至其目紀凡五曰大政曰大訓曰大因曰大志曰大事列傳凡五

日開國曰遜國曰大政曰大訓曰大因曰大志曰大事列傳凡五志二紀歷朝類外三傳有葉向高序今其書行世者缺大因大刊者五種曰大政曰大事曰大訓曰大志曰大事列傳凡五刊未全者二種曰大政曰大事曰大訓曰大志曰大事列傳凡五刊者六種曰元遺臣傳一卷天動記一卷天潢記二冊天端

因紀一卷天配記一卷天源記一卷天動記一卷天潢記二冊天端十卷即史概之稿大政記三十六卷著述之底稿故卷數多

而名亦殊四庫全書史部編年類附存目云是書始洪武元年戊申終隆慶六年壬申編年記載繁簡多有未當殊乏史裁
 湧幢小品三十二卷 虬庵居士自序又有己未自撰湧幢至辛酉冬積可三十餘冊凡經稗海諸書所載行世者多不
 敢錄然耄而忘隨汰隨忘稿亦時有散佚而存者尚多會赴
 召檢出節為三十二卷付梓四庫全書子部雜家類附存
 目云是書雜記見聞亦間有考證其是非不甚失真在明季
 說部之中猶為質實而貪多務得使蕪穢汨沒其菁英轉有
 沙中金屑之憾初名曰希洪蓋欲仿容齋隨筆也既而自石
 其不類乃改今名其曰湧幢者國禎嘗構木為亭六角如石
 幢其製略如穹廬可以擇地而移隨意而張忽如湧出故以
 為名葉封跋筠廊偶筆云以余所見記近事者有朱氏湧幢
 小品頗足佐正史所未及錢大昕十駕齋養新錄云朱國禎
 湧幢小品好談掌故品題人物不為刻深之論朱文肅遺集
 蓋明季說部之佳者至于援引古書多有差誤朱文肅遺集
 八冊 本名清美堂集後改題今名秀水沈叔埏跋云小字鈔
 吾家而缺平涵詩文鈔二冊 汪志云詩文雜鈔皆酬應之作
 其第三冊 汪志云詩文雜鈔皆酬應之作
 誤

汪志云國禎所撰大事記明鑑易知錄並見禁書總目故
 不載至大政記亦見禁書總目然已入四庫全書附存目
 並無
 違礙

華士嶠

見人 澹月齋稿 有因非集燕遊集燕遊續集南征集政
 物傳 澹月齋續稿 三府志云澹月齋稿續稿傳是樓書目共

國禎董 澹月齋續稿 三府志云澹月齋稿續稿傳是樓書目共
 斯張序 澹月齋續稿 三府志云澹月齋稿續稿傳是樓書目共
 載此

董斯張

見人 吳興備志三十二卷 有自序末題康熙己丑歲孟
 物傳 吳興備志三十二卷 有自序末題康熙己丑歲孟

錄又有董煜跋二篇分帝胄徵宮闈徵封爵徵官師徵人物
 徵筭禕徵寓公徵藝術徵象緯徵建置徵巖澤徵田賦徵水
 利徵選舉徵戰守徵賑恤徵瑣徵詭徵匡籍譎凡二十六類湖
 書畫徵清閔徵方物徵瑣徵詭徵匡籍譎凡二十六類湖
 日備志止於元末明初攷訂固核取材亦多然於唐之元和
 郡縣志宋之太平寰宇記唐之吳地記宋之輿地紀勝鄰郡
 如咸淳臨安志范氏吳郡志等書都未寓目以云備志恐未
 必然行笈日涉錄曰叔高祖遐周先生晚與同郡閱康侯子
 京兄弟共纂吳興備志成於天啟中而先生即世草稿粗具
 幾於失次族叔迎年先生為整齊而手錄之可謂賢矣覆校

原序知此書因徐獻忠掌故集多缺遺而徧搜史書及統記
談志勞志以成是書凡徐氏已載入唐志所有者不復再見
亦互備也後人謂其書有未備殊失攷矣著述總錄曰據自
序備志之名乃防備之備非完備之備湖錄似誤解也四庫
全書史部地理類著錄云是編輯錄湖州故事分門全錄古
採摭極富於吳興一郡遺聞瑣事徵引略備每門皆全勝體
書載其原文有所考證則附著於下蓋以張鳳桂故桂勝體
例如是而斯張因之雖意主博奧不無以濫為嫌然當時
著書家影響附會之談剽竊擄擄之習實能一舉而空之故
所摘錄類皆典雅確核足資考據明習諸書此猶差有實際
黃茅白葦之中可 弃山志輯一卷 汪志按明長興高漣撰
以謂之翹楚矣 萬歷丁未自序又成斯張從諸書彙
輯四十 廣博物志五十卷 分天功地序又有斧展靈異職官
六則 廣博物志五十卷 萬歷丁未自序又成斯張從諸書彙
人倫高逸方技閨壺形體藝苑武功聲樂居處珍寶服飾器
用食飲草木鳥獸蟲魚凡二十二門董志世所傳本真譌四庫
全書子部類書類著錄云晉張華博物志世所傳本真譌四庫
淆簡略亦甚南宋李石嘗續其書雖旁摭新文尚因仍舊目
斯張從而廣之遂全改華之體例變為分門隸事之書凡分
大目二十有之二子目一百六十有七所載始自三墳迄於隋
代詳略互見未能首尾貫其徵引諸書皆標列原名綴於
每條之末體例較善而中間亦有舛駁者如太平御覽太平

廣記皆採摭古書原名具在乃斯張所引凡出自二書者往
往但題御覽廣記之名而沒所由來殊為不明根據又圖經
不言某州地志不言某代隨意剽掇亦頗近於禪販三墳為
毛漸譌撰漢雜事秘辛為楊慎贗作世所共知乃好異喜新
雜然並載更不免疎於持擇至若孔疏鄭箋牽連富唐以前
釋典採錄盈篇愛博貪多尤傷枝蔓然其蒐羅既富唐以前
遺文墜簡哀衷良多近古矣 吹景集十四卷 復之 菰中 王德元
代諸類書中猶為近古矣 吹景集十四卷 復之 菰中 王德元
昌箕仲弓甫序卷一朝元閣雜語四十則靜獻齋慶慶三十二
則卷七克殷度邑二解補伏生書有自序云世儒謂周書出
汲冢乃克殷度邑二解補伏生書有自序云世儒謂周書出
史公去伏生不遠其辭亦近之錄卷十一合載湯誥及二解補
伏生今文書而遠其辭亦近之錄卷十一合載湯誥及二解補
字謝啟與閔元衢同撰有自序錄卷十一合載湯誥及二解補
條白法志一卷 備述總錄曰外周餘先生雖旁通釋老然吳興
也 夢歷 靜獻齋存草十二卷 崇禎己巳韓曾駒序並凡例
稿各一卷皆有自序留篋稿二卷寒草五卷有自序詩餘
一卷偈頌一卷王昶明詞綜引柳塘詞話云潯上董遐周與
周永年茅維為詞友周有懷響齋詞茅有十齋堂詞而遐周
詞並不隨人口吻陳黃門大樽謂其風流調笑情事如見者

也朱祖謀湖州詞徵引韓曾駒序云先生詩與年力相長其要歸乎性情澹乎空靈和以禪悅繪以亂費而丰神標致則蘇門嶺畔嗒然長歎豈與夫今日靜歎齋遺文四卷 靈薈性情之蠹吳喉楚舌同年而語哉

一卷 古賦一卷 文苑英華鈔四十卷 增定唐詩品彙

三十卷 選采真社集 吳興藝文補七十卷 首題烏程董

編閱元衢康侯參輯韓干秋聖開增定有崇禎六年吳興郡

守陳以誠序崇禎壬申朱國禎韓敬二序又有西吳韓昌箕

仲弓甫紀事一篇不肖孤董說刻吳興藝文補感言一篇凡

文四十卷賦一卷詩二十卷詩餘二卷附錄朱平涵文董退

周詩各一卷補遺四卷行笈日涉錄曰吳興藝文補六十三

卷退周先生彙編自六十四卷以下涉錄曰吳興藝文補六十五

卷即錄侯又為之補遺始自漢獻帝詔至退周先生詩餘終

焉以誠序謂唐季以前退周為政宋元以下閱與韓共之區

別尤明四庫全書集部總集類附存目云是書採錄自漢至

明藝文之有關於湖者彙為一編以補舊志所未備其自唐

以前為斯張手輯宋元以後則元衢干秋諸人共成之所採

錄前代頗詳而明代則漸濫亦志乘之通病也

趙雋 見人物 乍醒草 董說序

華仁源 見人物 燕遊草 閩遊草 起霞閣詩集

吳中穎 見人物 嗟拙吟 奚適吟

紀懋勳 字奉 家訓一卷 凡三十四條子鑄又補

紀度 字達階號漢 格言隨筆一卷 凡一百五條一名纂集格言

豹文 家訓一卷 雪簑漁人閱聲跋又有元孫

張廷薦 見貢生表 天台十景圖 善田詩鈔 古今名賢詩集十二

卷

温志宏 字毅先 温氏家訓

温應聘 見人物 蜀游小草

温良學 見人物 大愚詩稿十二卷 王士禎序

温佶 見廕 詩稿 詞稿

董廷勛 見貢 元覽齋詩集 元覽齋文集

董說 見人 易發八卷 四庫全書經部易類附存目云其論易專

推闡以己意其根抵則黃氏三易洞璣也其研索具有苦心

而究不免失之雜如飛龍訓一篇歷引堯禹周孔子亦然未

龍治萬世而復舉圓覺道德二經以為釋迦老子亦於機大用

援儒入墨又黃鸝河洛徵謂黃鸝一聲即河洛之全機大用

杏葉飛龍表謂黃鐘之律為杏葉之正位其說皆近於怪誕

極其博辨之才洗滌自喜則可矣謂易之精奧在是則殊不

然也汪志按縣志作易法論湖錄曰子樵述云以先法日月之

未全而明出震以納甲圖之非古而表卦律先法日月之

回環出震象南北之對峙此天地之大義也陽律始於黃鐘率

六律而順行於陽爻陰呂始於鍾率六呂而逆布於陰位以

出震卦律為學易之樞機又進而徵曜於三百六十扶貞

悔於七十二卦作易發董志曰朱竹垞曰董氏易發發前人

所未發非數與易運 周易十八爻未濟通輪表 周易三

十爻參天兩地表 出震三易合表 洪範變 古詩緯

詩發 周禮緯一卷 湖錄曰子樵述云以周禮司空原非散

周天始於雲漢循序順行 左傳提一卷 律呂發一卷 律呂

懸象著明非可飾說也 湖錄曰子樵述云以周禮司空原非散

攷湖錄曰子樵述云以周禮司空原非散 湖錄曰子樵述云以周禮司空原非散

氣有十二月之消長和聲有三分損益黃鐘司天而主升管

長漸短又辨三鍾四清作律呂放六書發 湖錄曰子樵述云以周禮司空原非散

六書世以六者各分有體無用不知古之制字或一字兼數

義或一音轉數音循義而求旁通無盡形可該聲事可括意

假借無常轉數音循義而求旁通無盡形可該聲事可括意

易變作六書發 史記脈子本已焚一筆云史記評本有三一丙

二代文獻殷一名夏七國攷十四卷 分職官食貨都邑宮室國

制兵制刑法災異瑣徵凡十四類每類各分著七國攷採韓魏

博兼有攷核卷帙未分蓋秦垂成而未編定也四庫全書史

四門皆採諸書以相佐證如會典之體魏燕七國制度分十

南齊志 卷四十一 著述一

屬註者明曰秦官乃反遺漏未免去取不倫又既以七國為
名自應始自分晉以後而秦之寺人上引車鄰楚之兩廣遠
徵左傳則於斷限有乖新序載魏王欲為中天之臺許瑄諫
止未必實有其事即有之亦議而未行而魏宮室中乃出
獨有乃於魏宮室中標一曰麗譙蓋城關之通名非魏所
乃古來之常制非韓所創乃於韓刑法中標一曰殺政之
苟盈卷帙至於秦水心劍事本見續齊諧記乃云白帖秦舍
晉侯於靈臺本見左傳乃云列女傳亦往附乃祇有封君而
其前後無序跋而齊職官門註封君如附乃祇有封君而
無后妃殆說未成之稟偶為後人傳錄歟然春秋以前之制
策士縱橫中可稽秦漢以下之故事有實志可考惟七徵焉
閒傷蕪漫固不妨過而存之矣道光中金山錢氏刊尋書序
入守山閣叢書有自序見豐草庵前集新刊本錢氏刊尋書序
云凡生于斯長于斯讀其書于豐草庵前集新刊本錢氏刊尋書序
斯得四十四人而集其文附存目云是編凡四論八圖辨
一卷素問所論運氣當在六元正紀大論原文久佚故晉皇
陰陽大論七篇補之詭云祕藏舊本劉守真楊子建遞變其

說亦皆乖謬因著此書以闡之定以六氣為經五運為緯氣
靜運動上下周流天始於甲地始於子數窮六十循環無端
其說甚辯然運氣之主病猶之分野之占天以爲不驗亦有
時而中以為必驗又有時不然天道遠人道邇通病者求之
望聞問切參以天時地氣亦足得道遠人邇通病者求之
形之也江志按湖錄曰子樵述云以素問運氣王砵諸人
有訛謬即應以五運六氣相天官翼四庫全書子部運氣法
加其氣自應作運氣定論天官翼四庫全書子部運氣法
紀元會運世立論謂曆數出於卦爻頗譏漢太初三統之
失所值恆星過宮年干八卦二表以星次遞相排比至帝堯
甲子適值張心昂虛居四仲之中與堯典中星相合遂據以
爲上湖下推之證然天形轉運積歲恒差始自秒分漸移度
數其遷流之故甚微算家測驗星躔是書不著步算贏縮之
疏過密之虞不能與天行相應說作是書不著步算贏縮之
法但以長曆遞推恐天象編年歲差攷文音發一卷名一
未免刻舟求劍也天象編年歲差攷文音發一卷名一
有自序九辯豐草庵雜著十二卷首昭陽夢史一卷一名夢鄉
有錢代著自序次柳谷編一卷次河圖卦版一卷香法一卷
以錢代著自序次柳谷編一卷次河圖卦版一卷香法一卷
矣作河圖錄曰子樵述云先君以易失於圖亡詩失於序廢
表一卷湖錄曰子樵述云先君以易失於圖亡詩失於序廢

小序者乃卜商氏受之於聖門三百篇之標準也小序廢而
 詩亡矣又以三百五篇歌皆有譜唐時猶存關雎一調後併
 失之關雎失譜古樂無傳今以音律攷之一篇之中起調畢
 曲各有定位中間則有轉聲如關雎如葛覃上以準起調下
 以準畢曲也商角徵羽清濁遞更準字發聲無不諧節作詩
 律表次漢鏡歌發三卷分測義測韻測音三門四庫全書集
 部總集類附存目云是書取漢鏡歌十八章反復解說首論
 大意次論韻次論音其論韻則有伏有擊有進退有同攝有
 同母同入論音本周禮三宮之說按宮商角徵羽篇分章位
 章分句位立說殊為創闢然沈約嘗言漢鏡歌大字為詞細
 字為聲後來聲詞合為不復可辨遂無文義可尋但存其聲
 而已自唐後樂府失傳新題迭作於是併聲而亦亡之說不
 知聲詞合寫之源而強為索解已述宗旨至鏡歌乃鼓吹之
 曲但奏其音而不歌其詞故十八章或韻或不韻亦猶風雅
 皆有韻而頌不盡韻也說一槩強為叶讀非惟不知古音亦
 併不知樂府體裁矣湖錄云子樵述云樂府鏡歌之法可例
 以詩部位既分律呂可定按其高下以辨元聲如呼籟收
 中吾堯羊飛凡有聲無義之字即篇中三轉聲之準也以
 舌自然之音應樂府鏗鏘之節作漢林鬳子野語四卷首堯
 鏡歌發次樂緯一卷次寶鏡括有小序次殘雪錄有甲申野語
 有小序並題南村林蹇遠游氏著前有虎邱退翁序

曉寒長語

相字略

夢鄉語

注志云或疑即夢鄉志攷
 兩道人家語夢鄉語與昭

陽夢史並列

聞書

桐葉十書

草庵羣碎錄

豐暇錄

問道錄

承雨錄一卷

研雪錄一卷

蘭葉筆存一卷

慎辭錄四庫全書子部雜家類附存目云明釋本以撰本以
 字以軒別號亦已又號師嶽叟蘇州人書中載天啟四年董
 其昌所記玉壘事則猶在其後也又稱先生每書竟必令潛
 寫填語蓋潛其本名矣是編首頁題為蘭葉筆存次頁又題
 為慎辭錄所論清熙秘閣續帖於黃庭內景經點畫形模辨
 析絲毫蓋即姜夔蘭亭偏傍之意其餘多談書畫亦偶及雜
 事所稱引者焦竑董其昌語為多中後雜載詩二十餘首即
 其自作大抵隨筆紀錄之冊後人抄合為帙也其中石頭城
 謠一條論樂府音節穿鑿附會棟花磯隨筆一卷附雜文一
 殊不足據餘皆明末山人語耳

卷

庚子劉桐拂煙錄一卷

堯封語錄四卷

寶雲語錄二

卷

靈巖首座寮語錄二卷

樵堂說畧一卷

堯封別錄

四卷

寶雲別錄四卷

靈巖餘錄

散隨錄四卷

寶安

錄 樵堂法頂拈一卷 七法頂五篇 法華嶺太極圖說

表 臨濟兩宗世次表 篋屋記一卷 化琉璃記 寶雲

雜著一卷 宗門書法 石楠堂石表一卷 豐草庵前集

三卷 分作醒七國若文三編庚 豐草庵文集三卷 分七耀樂

編丙戌至丙申 豐草庵別集六卷 分雲漢易隱地易九宮詩

之文前有自序 所豐草庵詩集十一卷 首人間可哀編次采杉編次紅蕉編次

吟次鬪韻牌編丙戌至丙申之詩前有自序 辛壬雜著 甲

申乙酉詩歌一卷 乙酉雜文一卷 丙戌悲憤詩一卷

寶雲詩集七卷 首畫石編次西荒編次洗藥池編次積雨編

潛著或題漏霜南潛著前禪樂府一卷 有小序今本惟臺山

有康熙己巳猶子漢策序 禪樂府一卷 編附于林鬍子野

語後原本當不止此湖錄曰子樵述云乙未詣靈巖僧堂小

參頓悟大法為靈巖幅巾弟子歸作禪樂府補船集皆出世

後詩 補船長語八卷 首補船村次杞國轉次研北編次松花

也 聲編凡八編惟第五編題月涵潛禪師石火頌弟子靈璧靈

珽記餘並題鷓鴣溪南潛又石火頌前有靈巖退翁題潛子

此書入釋家類而方外詩類又有補船集實復出也 寶雲

詩甲編二卷乙存三卷 散隨續稿一卷 樵堂題跋一卷

西荒詩三卷 西荒別存一卷 西荒別編一卷 小品

一卷 癸亥雜文一卷 乙酉集 秋雪堂稿一卷 二餘

雜稿 後庚集 藥籬雜文一卷 乙丑雜文一卷 若雨

逸稿一卷 南潛詩一冊 上二種俱說手寫本向藏劉氏眠

得詩不可 風雅編年 古樂府發 文苑英華詩畧 嶺雲集

文見今山水書畫方外之 曉寒合錄

汪志云乾隆辛丑浙江頌行禁書總目說諸書皆不在目

中董志云若雨先生易發及諸撰述俱奉四庫館探取唯

有章志 卷四十一 著述一

有章志 卷四十一 著述一

有章志 卷四十一 著述一

百濟志 卷四十一

以詩句微礙至癸卯復奉文抽板繳銷是後來又曾抽燬
今所見刊本缺葉甚多蓋由于此現存之詩並無嫌諱
又云說所著尚通鑑翼災異編年五六原高暉堂家語
兒雅樵雅虫魚箋草木箋僧寶五書古文編年但有書名
疑未屬草故不錄惜不得紀官所刊遺文總目一詳攷之
又云楊鳳苞南疆逸史跋載有無名氏夢華潭客談疑

亦說 董式 見人 古文字攷 甲子彙紀 古今人物畧考

陳忱 見人 雁宕雜著 雁宕詩集二卷 韓純玉詩兼序畧云雁
覓其全集已散佚不能多得矣 陳忱字克誠號醉月嘗修縣志

董汝煌 見人 周易集解 孝經注 莊子釋 韓蘇文評
汪志云集成化中湖州有一陳忱字克誠號醉月嘗修縣志
著五岳集覽勝紀遊集順治中秀水又有一陳忱字用直
甲午副貢著誠齋詩集不出戶庭錄讀史隨筆同姓名錄
諸書皆與雁宕同姓名昔人紀載每多牽瀾又按楊鳳苞
南疆逸史跋載有陳忱東甯
紀年未知為雁宕為誠齋也

溫璜 見人 易解一卷 溫氏母訓一卷 全一名貞石堂家訓四庫
云溫璜錄其母陸氏之訓也璜有遺集十二卷此書其類末
所附錄語雖質直而頗切事理未嘗有跋語不署名氏稱原集
繁重不便單行乃錄一出再付之梓案璜於順治乙酉起兵以
拒王師其氣節震耀一世可謂不愧於母教又高承埏忠節
錄載璜就義之日慨然語妻茅氏曰吾生平學為聖賢不過
求今日處死之道耳因繞屋而走茅氏曰君之遲留得無以
我及長女寶德在時女已寢母呼之起女問何為母曰死
耳女曰諾即延頸受死璜手刃之茅氏亦臥床引頸待刃璜
復斫死乃自剄知其家庭之間素以名教相砥礪故皆能臨
難從容如是非徒託之空言者矣故雖女子之言特錄其書
於儒家示 貞石堂集十二卷 易學總論 義卦圖說

清 張繼 周 字儒良號草庭吳 醉石軒文集四卷 草亭筆記二卷
江縣學生居潯 陸律 見人 思親詠一卷 康熙庚申 遺詩一卷
朱射斗序 董思 見人 兼山堂集 遇軒詩草 耦耕詩草 明文傳

有學志 卷四十一 著述 一 二 三

董漢策見人物傳周易大成一百二十卷 易原 春秋傳彙十二

卷順治乙未自序并畧例十二條第十四書全解四十卷各名

大成卷第十二卷各分上下實十四卷 資治通鑑評附宋

元通鑑評二冊 榴龕年譜汪志云一注 聖門直指頌二卷

功過錄 易外聖書 甦庵家誠三卷董志作二卷 補計然子一

卷四庫全書子部雜家類附存目云是書成於崇禎壬午雜

戒取左國吳越春秋諸書為之凡四十篇又敘略一篇大旨

於姚士彝於陵子王逢年天祿閣外史以贗售欺者多矣

道德經注 攝身元祕 祭煉書一卷自序 祿文雜著一卷

蘆窗信筆一卷自序 蓮漪集一卷 笠翁內篇一卷 笠翁內

篇二集一卷 從好編一卷 攬勝文集六卷 帚園集

甦庵外錄已上九種俱文集 乍浣居詩草 詠曇集 董芝筠詩集

一卷 詠史詩 巢軒詩稿 榴龕詩稿一卷 且吟 窺

園雜詠一卷 和陳白沙詩 渭雲堂詩一卷長洲陳三島序 四載

詩存一卷 蓮閣詩草一卷 自在吟一卷 夏五遊一卷

畫溪溫煙艇吟一卷順治辛丑皇甫欽序 寓庵詩 怡顏集 醉漚吟

行舸漫詠 安素軒詩一卷附天目放歌 羨門軼句一

卷 吟諾一卷 薌水遊一卷附夢遊春詩百韻詩雲巖嘯

詠康熙十九年蔡啟樽序夢遊春詩章江集 攬勝詩集

九宜集二卷附孤山感詠 鷗盟集一卷 時適編一卷已

俱詩集二十八種 藍珍詞一卷 董詞一卷 董詞二集一卷 漱

玉編 雪香譜一卷已上五種俱詞集 讀古定本十七卷康熙戊辰

歷朝古
文選
朝元閣詩刻
汪志按朝元閣在光福董份墓側後以避諱改朝陽閣此書錄閣中諸人題詠

潘文福
見封贈表
孝史十卷

陳寅清
見人物傳
榴龕隨筆
秋霞集
江村集

張麟生
字繡舟縣學生
雪泥集一卷

姚淳楫
字經雲號尋川府學生按或作淳楫
水雲子文一卷
水雲子詩草一卷

聞廷綸
字言如
龜經大全六卷
姪曾孫筠編錄并跋

閔南仲
見人物傳
碎金集二卷
寒玉居集二卷
有成都費錫璜吳州後學沈默康熙壬寅吳興潘尚仁三序四庫全書集部別集類附存目云其詩以新穎為宗體格頗近金元
鸞坡存草一卷

潘尚仁
刻
石漁續集一卷
著述總錄云陳可升編有小序詩百二十首
漱玉集
梅花

百詠
枳鸞山房稿
螺川漫錄

莊廷鉞
見人物傳
百尺樓詩稿
范志作嚴定越著虎邱志作嚴或汪志考為莊廷鉞

莊濟
見人物傳
半硯齋詩稿

溫棐忱
見人物傳
蓬窩文集
過庭紀述

溫俶
字令修庠生
嗣騷壇吟稿

溫達
字增望增生
雲亭制藝詩稿

溫睿臨
見人物傳
南疆逸史五十六卷
紀畧四列傳五十二首列自序及凡例二十則
隣翼

公詩集
曰初行集曰候鳴集曰偶成集溫純纂輯題此名後有純跋卷首自序及溫濤各一卷
遊西山

草一卷
溫純跋
評選少陵詩集一冊
溫濤序
罪言二篇
出塞圖

畫山川記附八旗兵志一卷

張應緯
字君如縣學廩生
三禮異同辨正八卷
張氏譜云陸士涓董衡序董志作張廷薦撰論

有尋志
卷四十一
著述一
三

抱冬樓遺詩四卷

董衡 見人物 詩儂歸夢記一卷 未學齋詩集十卷 董志云陸

述總錄云曾見殘編一冊年分一集丙戌為焚餘丁亥為苔

篇戊子為寂圃吟己丑庚寅為汐壇草為雪卧居草餘皆缺

總序亦未之見苔篇有顧必波潛初序汐壇

草有温蒼來春生序雪卧居草有兄漢策序

紀鎬 見人物 讀書佩四卷 一名嘉言懿行 亦山詩集 孫

序韓文近一卷有漫言一篇順治己亥孫侯題又有選義六

刻則又有茗雪蘇文近刻自序六家文近刻

棘人紀鎬序 古今忠孝事類

董震蚪 見人物 古今忠孝事類

董渠成 見歷 芭庵詩草

張肩 見人物 遠偏廬遺詩

張發 見舉 湖山詩集

董樵 見人物 易象表 歸藏論 山海卦緯 周禮六夢表

史測 蔗園詩集 蔗園雜文

董聞京 見人物 易說 文獻通考鈔 六壬心書 續命書 喜

閒錄 偶諧篇 復園文集六卷 叔祖若雨氏序又有自序

存目云是集皆所作雜文自序謂明理以端其源博學以廣

其識尊經以正其歸養氣以覈其實和聲以發其華持論甚

高然核其所作不能 閩岑文稿 琴鶴迂鈔 復園詩集 汪

出公安竟陵門戶也 微吟采山編擊壤嗣音等小引七首當即詩集中子目 吉

雲草 昌黎文選 古文餐英

俞雋 字人豪 聽雨樓集

董牧 字放 是齋存稿一卷

董末 見人物 策卦十八變全圖 香箋 稼庵詩存一卷 稼

有詩志 卷四十一 著述一

有詩志 卷四十一 著述一

有詩志 卷四十一 著述一

有詩志 卷四十一 著述一

有詩志 卷四十一 著述一

庵詞存一卷 稼庵雜文 南雅五卷附靈源詩存一卷

僧詩蔭在薪逸崗及範羽源鴻昭讓石梁元定謂超則遠普

慧方頂正提聖力并董樵董耒凡十六人乙卯七月漏霜比

紀遠物傳風雨吟草一卷附古文七篇溪南潘耒

邢默字子容歸安廩生醫學指南四卷

董神駿字西御縣學生碧瀾堂詩集一卷

董穀士附見人物古今類傳四十卷汪志云刊本天部歲時類四

霞山輯康熙壬申松陵潘耒序穀士自序并凡例七條卷面

有朱印云是書分天地人物四部茲集歲時乃天部中之一

也又朱文長印云人部年齒嗣出而世無傳本蓋亦未刊也

四庫全書史部時令類附存目云是書前有潘耒序稱其兄

弟共撰類書分天地人物為四部名曰古今類傳先以歲時

目次一編見示乃天部中之種類然則未成之書也其例首

為歲總類次為春夏秋冬四時類每於一時一月又先為總

類後以一月分三十日各纂輯典故詩文略註所出而以通

董舫字間仙洗硯刪存一卷 墨渡齋詩草

董穎佳附見人物中江編年集六卷 玉禾詩集

紀官附見人物豐草庵遺文總目 餘素齋詩文集三卷漏霜老

戊自跋丁亥沈昂跋乾隆四年董浩序又跋董志云茅映奎

序按官有北行記南還記俱編入文集中後有族曾孫磊跋

倪璠附見人物神州古史考一卷原書一百五十餘卷唯刊一卷

云是書自序云按今之版圖取自漢迄唐諸史地理類附存目

縣之首上搜舊聞旁摭遺逸凡兩京十四省共一百五十餘

卷謂之神州古史考又取唐以後者別為一編名曰方輿

輿通俗文一卷四庫全書史部庾子山集註十六卷首題錢

魯玉注釋有年譜世系圖并注釋題詞十四條四庫全書集

部別集類著錄云是編以吳兆宜所箋庾開府集台眾手以

有亭志 卷四十一 著述一

用麗句附諸簡末其所出則咸不註焉蒐採頗為繁富然隸

事在其意義不在其字句是書所摭往往乖其本旨如王羲

之春蚓秋蛇本論書法乃以春秋二字農山詩文集

成之頗傷漏略乃詳考諸史作年譜冠於集首又旁採博蒐重為註釋其中如小園賦前一段本屬散文而潘以為用古韻未免失之穿鑿漢書藝文志別栩陽賦五篇自是人姓名而信哀江南賦乃云栩陽亭有離別之賦唐山夫人安世房中歌桂華二字自屬篇名馮翼承天之則二句乃下章之首而信黃帝雲門舞歌乃云清野桂馮皆顯然舛誤為依違其詞不加駁正亦失之附會然比核史傳實較吳本為詳哀江南賦一篇引據時事尤為典核集未彭城公夫人朱氏墓誌銘伯母東平郡夫人李氏墓誌銘亦頗精審不以稍傷蕪冗為嫌也 周易兼兩九卷

沈奕 字夔一 爾爾草一卷

董奕相 見貢生表 上諭十六條彙詮 生洲詩草 陶爾繡川詩草

金罍編

方穀 見人物傳 杏花軒詩草 或作杏飛軒疑誤

董延枋 字準生監生候選州同 葵園詩刻

紀寅 見人物傳 晴嵐詩集 石門胡鮮民序刻 晴嵐遺詩一卷

董友松 見人物傳 鏡園詩草二卷 康熙辛酉不溪崑陽蔡啟傳序 鏡園詩文集

董香齡 字星池一字懷西監生 大還山房詩集 星池詩草

董志林 見人物傳 好生錄 慾海晨鐘 萼園集八卷 萼園未刻稿 淮遊草一卷

董師植 見人物傳 汾園集十五卷 刊本有康熙甲子愚舅曹溶序凡賦二卷詩五卷詞二卷

董炳文 見人物傳 霞山詩詞 晚香樂府 百花詞一卷 有年姪邵基序又有

乾隆柔兆敦祥孫婿姚成烈敬題百花詞後一篇

張駿生 字御周 善田草堂詩文集

夏光遠 見人物傳 五經纂要 圖書攷 潯溪文獻 即增輯南潯志 東甌

紀事 左國八家文選

殷赤珠

字茲在一字芝儕號迂叟縣學增生

織雲齋雜著一卷

著述總錄云凡散行駢體文五十餘

首織雲齋詩集

殷沈唱和集一卷

有密庵氏跋又許旦復跋云赤珠與沈怡心同

居城濠上凡唱和詩一百四首

陳某

名字無攷可升之父

詩文集八卷

沈國正

見人論物傳

論文一篇

按陸隴其載困勉錄卷首

元一遺詩

空山四嘆

逸老堂春秋二禊聯吟集

山居詩

溫貽孫

見人物附傳

愛吟軒詩集

邢基

見封贈表

脈經註釋六卷

東垣十書批解

西園居士詩存

邢氏譜云徐葆光序

董士驥

字鳴遠

遺集一卷

董士驥

字冀驂府學增生

菊谿遺集

曹爾价

見人物附傳

不寐吟一卷

俞棧園

名失攷

平鳴詩畧

紀端

見人物附傳

菊存詩草二卷

壬辰族孫磊跋丁未又跋

菊存文鈔

董永烈

字播芬號敬亭府學生

聽雨軒詩草一卷

董煥

一名永煥字東有號旭初監生

膝語軒詩一卷

董世熙

字維清監生

明軒詩集一卷

一名繪心編

董陳亮

榜姓陳名亮見貢生表

性理集解

卧雲樓琴譜

益齋集

卧

雲樓詩集

董學燾

字景仁縣學生

止齋詩集四卷

董元烺

字晨緗監生

遺詩一卷

張鳴鈞

見人物傳

蠶桑條約

張氏譜云刊于河南有王士俊序

張鳴謙號紉蘭詩草 紉蘭別集

計成見貢南林居士詩集

夏封泰見人周易直本中觀七卷 類一篇繫辭一篇文言說卦

序卦雜卦一篇 尚書宗要六卷 毛詩注疏學三十一卷 春秋參

壹 夢麟編一卷承重孫耀曾跋

曹大斌見人音白黑二卷 首題文貞先生曹大斌敦山氏著後

序武定府志 嘉定縣志 鹽城縣志 博物廣志三十卷

藝文志三十卷 文貞先生做帚編八卷張鴻恣選錄今

兩做帚編四卷按原稿一百七十餘篇此選刊

謝洲見人散木集三卷 凡詩二卷文一卷有分干葉舒際序雍

正丙午曹大斌序康熙壬寅嚴遂成序又墓誌銘一篇南

木庵詩稿一冊有荅川張士杰王翰青題辭 載月軒漁草 宋元明詩文

選與董熈曹大斌同撰

王起鵬見人物傳 翹如遺文

董熈見人物傳 四書纂要一冊 行笈日涉錄十五卷 蛾子時術

小記二卷上卷自石經至天體算學十六篇下卷自 蛾子時

術小記初集一卷附讀國語劄記小記凡百五十餘條劄記

學津涉十八卷 南江集二十四卷詩二十卷文四卷汪志

卯迄乾隆丁卯分十五集楚雨編劍映小稿共一卷白雲稿

一卷一知集上下二卷南亭集一卷彈集則齋集續集五卷辛壬癸近

稿藕花溪上下二卷南亭集一卷彈集則齋集續集五卷辛壬癸近

前有舊序撰人名氏割去又有欄溪周龍藻序庚寅春溫山

溫棊枕楚雨劍吹白雲三集序中問有楚雨編自跋欲彈集

自序平湖陸大業監費集序鹽官陳世修渡江小稿係刊本餘俱

張尚瑗南亭尋則兩集序唯第七卷渡江小稿係刊本餘俱

塗乙南江詩集四卷仍載周龍藻温柴忱陳世修三序有乾

稿本南江文集二卷董志作柳河東詩補箋三卷柳氏

世系表一卷年譜一卷附錄一卷無序跋首有明詩選 董

氏詩萃二十卷乾隆十年自序樂與集 水經注校本四十卷

董燾字承一又字承蝸廬小集三卷

紀肇基字南英墨閒詩草

紀雲錦見封箋疏格言

董懋昭字鑑平一字慶黼庵遺稿董懋

董良弼初名利見守齋詩集一卷

姚石見人物漫吟詩鈔一卷董懋

董炎見人物堅齋詩集三卷且住園吟草晉遊草燕

董浩見人物南谷集四十卷董燾

董煜字慶紱號惕夢蜨吟

潘尚仁見人物蘇門山客詩鈔十卷青青吟子役吟怡雲集行

塞外寒鳴蘇門偶存還山吟放

陳可升見人物潯溪文獻一冊一名潯南掌故又名鬢軒集二卷

著述總錄云庚申辛酉旭峯詩草 閩游草一卷

邢廷金見人物防河要議八卷邢氏譜云

夏開衡見人物國書分類

董文白見人物易庵詩集九卷燕游草閩游草東籬稿鈞雪吟

邱游草舊巢吟各一卷錢塘金文淳桐邱倡和編三卷元默

序竹墩畏堂沈樹德序兄愔訥夫序董邦達序初編一卷續編會芳軒倡和編三卷倡和者凡

二卷倡和者凡十一人

臺倡和編

姚景燾

見人物

彊恕齋隨筆一卷

愛蘭仙子詩草十二卷

香心

齋稿惜苔軒稿林棲樓稿凝香閣詩鈔憶雲小草伍草軒稿茗東第一樓稿雙松軒稿草山房稿素心草盧稿橋香樓稿十研齋殘稿各一

董炯

初名章

字竹

南窗吟草一卷

計士枚

見舉人表

卜亭詩鈔

董源

字禹門

號青塘

雙屈吟

卽清塘遺詩

董揚

初名揚

字海

蘇齋詩集

董煜序刻古香齋集

董渭

初名渭

字西瞻

晚香詩草

董駿

初名駿

字山秀

賢民詩稿

吳山秀序刻

紀琴思

字林

隨號鶴亭

廩貢生

學知堂詩集四卷

凡海陵稿袁浦稿倦游稿應酬

雜錄各一卷子豹文編錄有長梧朱星渚題辭未附豹文撰述畧一篇

董耀

初名耀

字經

青霞樓遺詩一卷

紀廷輝

見人物

清遠堂詩錄

牧庵遺詩一卷

夏載華

見歷仕表

石泉遺草

董繩烜

一名烜

字全夫

號曙齋

餘事集一卷

卽來月軒詩草

吳倓

字

讀左錄

嗜菜集

渡江集

董翼

見舉人表

認齋遺詩一卷

沈國棟

字蘭坡

歸安學生

袁江游草一卷

吳陵游草一卷

董麟兆

字昂霄

監生

古今類輯

耐庵詩鈔

莊學德

字

潯溪文獻

董正

字右之

號朗

遺詩一卷

有草志

著述

三

董彙吉 見貢生表 淳庵遺稿一卷 即泰茹遺草

董上塘 字乘之 可亭遺詩

董承勳 見人傳 周禮通說 地勢考 畿輔水利考 東魯水利考

張明揚 字冕廷歸安學生 拜山詩稿十卷

董金城 見人傳 少客詩集二卷

紀復亨 見人傳 祥夢記 鼎湖小志一卷 太僕遺文百一編一卷

卷 族姪豹文核閱族孫 心齋集十卷 一名蘭夢軒稿凡經進詩二卷古今詩五卷

物詩一卷 心齋集補錄一卷 紀磊編錄 晉陽唱和編一卷 金匱陶中

序正館課偶存一卷

董三達 字備尊 遺詩一卷

紀日照 字麗中 珠厓詩文集 半鄉齋存稿 珠厓遺詩二卷

族孫 紀士玉 見舉人表 懸圃詩鈔

董希輅 見貢生表 蓮臺所見書目 蓮臺遺詩一卷

張鴻雋 字醴源 南潯文獻志二冊 乾隆戊寅自序凡例九則分三十六門內缺祥異叢談二

門一名重增南潯志或作張鴻憲著 鴻憲著 鴻憲著 鴻憲著

俞從龍 見人傳 在竹居詩稿一卷

陸金 字麗江 堪輿一貫六卷 前集空龍鏡三卷後集理氣會覽三卷乾隆丁未潯溪老人自序

經疑一卷 明齋詩集一卷

董庭堅 字襄虞府 毅庵今體詩集 毅庵遺詩一卷

董豐垣 見人傳 禹貢纂註一卷 尚書大傳考纂三卷 吳江沈彤序乾

隆三年董煨序後有竹書紀年辨證二卷補遺辨證一卷附錄補遺源委備考

甲子長洲彭啟豐序江都唐紹祖序乾隆丙辰自跋後有姪肇鏗跋識小編二

卷乾隆癸未自序四庫全書子部雜家類著錄菊町遊稿一卷 洪範纂注一卷

董民傑字興豪歸安廬生善瑤子術凡夫僅存草一卷

董鈞一名秉鈞字廷附監生百尺樓詩一卷

董調元字汝梅號箬川廬貢生藕花溪吟草一卷

董鏞見封贈表地理摘要二卷

董起元字棟青號紹亭監生九宜樓詩鈔

姚德鉉字洽公吳興志纂 洽公集唐詩

董進元字輔唐歸安學生恕庵詩鈔

紀汝霖字潤章號商巖監生藝覺集五卷

吳巖見人物傳律表龍泉使承祖梓行灌園近稿 使游草 碧梧山館詩集

丁蟾見人物傳蓉齋詩稿十五卷 候蟲吟一卷道光戊子張鑑序西冷

草三卷 續候蟲草二卷 蛤巷草一卷 三續候蟲草一

卷 月亭四六遺稿一卷

胡璘字遺之縣學生或作崔璘寶書樓詩草偶存 甌越游草 豫章游草

徐景字夢草軒詩草

王鼇字掌絲歸安學生辟塵軒吟草

徐德元見人物傳戎疆瑣記 香雨叢記 蜀中名勝記一作蜀中名勝詩

官箴詩 燕中草 蜀中草 秋海棠倡和詩八卷 芷堂

文稿 芷堂詩稿

韓宗濂 字叶溪 縣學生 梧影軒詩草

潘其瀾 字思澄 香泉殘稿一卷 有丁蟾題辭道光二十八年族孫煥明序

董兆元 字蓉采 庵縣學生 江峯筆記 江峯詩文集二卷 庚戌甥男錢璋編錄

璋有跋 巖海珊瑚明史雜詠集註四卷 海珊名遂成驥村人兆元之舅氏 古今類

詩六十卷 以天地人物為次各有子目 續董氏詩萃

董景坡 初名小坡 見舉人表 眉峯詩集二卷

陸充垞 字鳳輝 葑澨遺詩一卷

董啟庭 見歷仕表 秋樹詩草一卷

董蒼零 字清載 吏員候選主簿 餘事詩稿

張鴻憲 字少翀 叔府學生 書經理解質疑五卷 歷朝篆體四卷

印宗一卷 和叔遺文二卷 蛩吟詩集二卷 即少翀遺詩

陸嵩高 見人物附傳 敬堂遺詩 鳳池集 滇遊草

溫鶴立 見進士表 陂田遺草

南溟志卷四十終

